




龍眠風雅續集



龍眠風雅續集卷之二十四

木厓潘 江蜀藻輯

張

洵

字子岐號怡齋孝廉蔚菴公之長子年十六入鄉校以明經授蘇州府崇明縣教諭簡習孝秀頌禮肅雖擢國子監學正興賢有材六館競奮轉大理寺司務躬視岸獄恤其饑寒伏其醫藥園屏有更生之慶以太夫人年高在養乞假歸省卒年纔四十有三所著有東廡草望雲集其舅氏方樓岡學士極稱許之子必恭必愉皆克家能世其學

上巳日遊燕子磯

征颿東下大江涯駐楫名磯幸有期一閣高臨疑欲墮

孤峰遠峙到還岐乘風漫說追宗浪搔首真宜讀謝詩

節候忽驚三月好春光一似永和時

舟中上巳日清明

前印屈邪身卷二十四
露溼荒隄柳帶煙碧波青草浴鷗眠漸炊槐火烹新汲
恰看蘭亭理舊編修禊羽觴高會在斷魂時節昔人憐
坐寒芳杜篷窗下肯爲清寒惜酒錢

望金山風迅未得遊

幾日扁舟滯石尤一颿東去路悠悠大江山色連瓜步
終古波光湧潤州風捲晝昏知近海人當迹勝憶登樓
禪窗遙見皆通水獨瞰春潮歲歲流

渡海

細雨蕭蕭纔過吳寒流漸漸失平蕪難將浩渺窮天地
祇覺空濛人有無身世半如雲裏見蒼茫全向水邊孤
瀛川何處風帆遠星漢乘槎事豈殊

南沙陸子聖階梁溪席子君濟以詩文來質賦贈

並誌別感

風流譽望誰能並惟有南沙與晉陵洛下文章新卷帙
上中冠冕舊聲稱古人傾蓋知偏切今日論交價倍增
如此才華應蚤貴送君雙槩憶飛騰

管咸仲黃雨雍_州牡丹

若爲臨風試靚妝紅疑繡幕號花王千枝未可誇姚魏
羣卉安能比色香開向豔陽無間地種宜疎落亦分行
淡杯潦倒繁華內想見清平醉後狂

沈子長吳四瞻施翔鴻德彰榮問諸年丈復移尊

咸仲齋頭賞花竟日

前明... 卷二十四
半面全開顆顆團鉛華淡淡出雕闌花蒸露氣流珠潤
風度春香拂砌寒昨日尚留餘興去名園因得盡情看
卻慙良會煩良友竹裏頻來洗玉盤

虎丘訪施駿臣

靄靄江雲一逕開松聲常繞梵王臺幾家院落分花賣
到處墻陰乞竹栽欲試劍光尋舊跡閒按墨妙洗蒼苔
山齋屢滿人求画那識人從画裏來

閶門五日即事

柳岸遊絲接芰荷吳門雜遝唱吳歌花迎酒氣熏通市
風送衣香暗滿河官舫過時遊舫近珠簾垂處画簾多
水嬉兒女競看渡中有何人弔汨羅

飲西渠三兄署中

閶門路出画橋邊競渡歸來午後天共學神仙尋草秘
爭言里巷續絲懸尊移小檻凭花下詩誦佳兒遶膝前
有弟獨餘將母媿青蒲安得一枝傳

宗伯徐立齋年伯招飲

相逢特向玉山行朗朗如聽劍履聲珥筆文章高菡苑
看花門第夾江城浮踪幾媿通家誼古道偏憐渡解情
書画樓前明月夜浪陪清宴醉銀罍

過高子允純郊居

家住郊原霧隱間久知玄豹欲成斑依香屐齒荷花岸
向午雞聲竹葉關案自有書供旦暮水常在耳聽潺湲

音韻屋牙經集卷二十四
碧梧苔色新槐影消受羲皇以上間

懷東田吳夫子

猶記梅花照別筵開春舟卽犯江煙常當五夜讎書際
獨憶三冬立雪年陶令松筠娛老眼杜家詩史定新編
城南尚有追隨弟雙桂堂前帳再懸

集施子德馨園亭

東臯苔滑遶藤墻漸遠塵喧見草堂座近藕花香自度
樽浮竹葉韻偏長松門高下飛江燕石徑參差種海棠
逸致雅應推絕勝知君端不負滄江

憶披雪山房兼寄諸弟

披雪先從聽雪尋桃花滿路碧苔侵青松雨過看朝色

白晝峰高見夕陰瀑落雲中千丈響蘭移林底一溪澗
遙知諸弟登臨際應有山窻憶遠心

中秋日張楚伯王年卜兩寅丈集諸同寅飲玉峰

叢桂堂

丹崖崛起勢玲瓏嵐氣波光面面通傍晚烟蘿叢桂裡
最清鐘磬半天中高峰暢好星頻聚佳節招携興自同
投轄故人何限意不堪孤棹向秋風

時子將之白門

憶修堂雙桂

老桂何年久傲霜先人手植數枝芳每消殘暑侵堦覆
將近中秋出苑香閣下汗青書共讀花前酒碧色分涼
昨朝偶見峰頭桂曾否繁英似故鄉

白門懷沈蘭若寅丈

暮雨蒼江八月天，扁舟曾繫玉峰前。
秋風獨使人常別，冷興同羈官一氈。
菊圃詩情應似舊，霜宵杯酒定陶然。
可知此際晴空月，夜夜思君未忍眠。

闈後一日集里門同學諸子

水滿清江鶯影斜，秋高建業見繁華。
臺城烟樹長堤柳，官妓雲鬟上苑鴉。
自有文章標赤幟，卻憐風雨過黃花。
莫辭今日登樓興，同醉河橋賣酒家。

江村新霽

舟行十里過橫塘，雨後村空露氣涼。
風入晴川吹雁影，人迎朝日愛秋光。
沿江門掩依流水，隔岸鐘鳴出上方。
欲望烟深前泊處，蕭條黃葉滿林霜。

署中送仲弟歸里

忽離忽聚總依依，天北天南又送歸。
兩地舟車今日異，十年書劍寸心違。
朔風凜冽行裝遠，薄海淒涼夕照微。
爲憶高堂強飯否，益因汝去夢魂飛。

賦得古人已用三冬足示同學諸子

自擬論文學草玄，朔雲風起歲寒天。
人將蠹簡親千古，夜冷雞窻守一編。
讀史閣中思舊雪，挑燈霜下擁殘氈。
相期莫負三餘興，東觀談經盡少年。

喜四弟寄画至

知爾池塘夢更多，遠傳墨意當狂歌。
雲連樹影依苔石，

筆有秋痕寫芰荷垂釣恍從茅屋去飛泉如向雪溪過
謂披雪山房閒來為倚疎櫺展雨際松間揜翠蘿

懷左注我

白門同放海門船曾幾何時忽一年遠路春風吹別恨
他鄉陰雨伴寒氈高樓雁憶清江上好友書遲落照邊
知有比鄰詞賦客芸窗昕夕足流連
聞今年讀書姚庠若齋中

苦雨

老屋陰寒強自持蝸涎滿壁篆如絲危墻畏落將頽瓦
高樹吹殘未艾枝客次夜闌人漸睡牀頭燈暗鼠全窺
青蕉葉葉空堦影獨刺秋心欲向誰

賦謝施子英玉招飲

處士門前溪水清到來常聽海風聲沿墻樹暖梅將盡
近屋春陰柳漸成書擁百城閒日卷盤多兼味故人情
酒闌獨有天涯興狂醉歸從月上行

樊子闇如見招因出示宋南渡石刻聖賢圖像卻

贈

水際誅茅向夕曛橫經遺澤半耕耘竹陰滿苑偏清勝
蘭氣當堦有異芬浮白客將留意日殺青史足繼三墳
興酣娓娓談先世猶出前朝石塌文

新霽蔡子子六吳子四則過話

荒庭入夏乍寒溫草覆空堦鶴應門一榻茶香遲客話
多時梅濕上潮痕才名久擅中郎絕風度今看季子存

意氣看君皆不賤莫教坎壈怨王孫

河邊偶成

匝地蘼蕪綠滿灣偶乘清興一開關潮來溪網魚蝦賤
雨後人家雞犬閒野巷竹聲隨客屐水田蛙鼓隔烟闌
天涯憑眺應難盡欲待晴空看遠山

吳門舟次讀潘蜀藻先生龍眠詩選卻寄兼誌私

感二首

吳會風光見綠蘋先生閒賦故園春松筠閣下琴書老
謂松聲閣櫻筍山中歲月新夙有鴻名傾後輩今看古道表
前人孤舟一卷聽春雨展讀難禁淚滿巾

江東大雅數龍眠先子蒙存亦可憐詞賦不無遺事憾

表章惟賴故人賢千秋詩思重泉慰一代騷壇累世編
海內久推潘騎省今看書向國門懸

五人墓

匹夫亦自有高名志在無妨事未成同難一時存意氣
貞心終古對江城可憐草野空冤去爲指闍瑠尚恨生
憑弔只今何處是千人石畔夜烏鳴

晚過玉峰城下

鷺啼鳩喚夾江多城外新陰網綠蘿塔向雲邊峰上去
山看蓬底日斜過蒼茫樹色遮紅寺高下烟光漾碧波
片石買來丘壑趣水流莎映共清歌

將去瀛川留別 二首

吳雲剪剪柳絲絲一幅鶯溪絹裏詞夏日漸長方雨後
遠天將渡早潮時花分畫舫公門樹題滿蕭齋鄴下詩
謂諸子此別未知重會日兩年難忘是臯比
女蘿堤上踏晴沙記得新飛乳燕斜逕似故園頻見竹
風鳴高樹有棲鴉青門舊約同花事黃海無端感歲華
別後相思知不盡江南春水憶侯芭

旅興二首

飛鳥擇高枝嘲晰鳴天際誰云鼓雙翼還被風煙滯浮
雲一何高疾風一何厲悔昨東海隅淹留羽毛敝努力
出塵埃孤踪莫我憩反羨鴻鵠冥自顧終拙計
鵲鴿東林巢萱花北堦砌比翼嘯清風出入佩蘭蕙夙

志戀鄉園敢曰懷佳麗一朝理征衣兩載忽分袂反哺
念高堂青雲難逐隊何時奮翅歸歡娛以卒歲

哭仲弟七首有引

仲弟竑字禹仲孝友性成才學俊逸以不得志
於有司常鬱鬱不樂戊午二月十日無疾而逝
余方鐸崇明老母命家人秘不以聞至秋子
北上抵家驚痛欲絕以高堂憂慟不敢自傷家
居兩月出門又幾時已及週矣孤鴻旅館能無
痛心揮淚七首哭不成聲

藐藐山間松淒淒隴頭竹苞茂乃其常戕伐亦胡速我
生迺不辰早著孤兒服仲年十四齡余年十有六叔季

稚且嬌日使慈顏蹙羽翼纔壯時仲也忽不祿噫嘻一
歌悲悲起嗚嗚哭

大厦傾易毀弱木安能支吾母真丈夫日夜獨憂思儉
節固所安年荒畏啼饑我愁病幾死聰明爾強持家庭
勞委曲世事任奔馳此情猶在目此心何人知噫嘻再
歌苦苦境不堪追

南山踞豺狼北山藏虎豹不念舊時交牙爪公然掉弟
昆甘弱材鍵戶遵母教唾面聽其乾橫逆莫敢較窮年
事詩書矻矻無一效嘗膽與臥薪古人安能做噫嘻三
歌哀哀憤憶顏貌

長江波浪洶皖山風雨促驢背復饑驅小艇冒炎酷作
賦擬前賢未肯合時俗我刑任自然爾放如受辱男兒
氣凌雲安肯受拘束灑淚對友朋私憂抱心曲噫嘻四
歌危危哉功名毒

薄宦非我心爾獨望我切相送河橋邊悲歌成哽咽哽
咽就四章但說多離別那知牖下言酸楚兆永絕秋杪
晤江干努力精神竭落第至官齋灑泣海風裂噫嘻五
歌傷傷哉淚如血

弟送余詩有明知此後多離別聚首其如牖下何之句

鵲鴒痛在原高堂念遊子訃秘家人傳書但望歸里弟
死在仲春哭弟秋風裡強歡承慈顏夜啼畏落紙轉盼
已經年人世如流水舉念恍在前望望行且止噫嘻六
歌淒淒涼何所恃

前明風雅集卷二十四
所恃有兩孤長者頗聰慧次亦已三齡孀閨憂匪細十年教養成爾志或能遂我今客帝鄉碌碌無長計兩弟奉慈親柴門常教閉孝友如爾言忠厚勉相勵噫嘻七歌沈沈思渺無際

重建三慧庵

夙昔耽微尚乃在泉與石大道有真玄何必佞伽釋人生際豐儉所樂貴自適昔我先王母愛此丘壑僻爲建蘭若居拈花自朝夕豈意兵燹遭倏焉滄桑厄吾翁及仲弟言念恻惋惜卅載力不逮叔季重芟闢同奉萱堂遊見之增怡懌手澤憶當年白雲猶咫尺興廢三代因山川百年迹盈虛有常理流光無輕擲永惟霜雪姿莫忘松筠碧惆悵淵明詞何日息行役板輿羨安仁寄語

烟霞客

訂交詩示錢塘馮紫燦吳漢文景州李枚臣東昌

鄧右介楚黃姚栗岡

大化妙代謝寒暑任紛錯逐日夸父勞履霜君子約投分如飲醇杵臼有至樂一言成知己千金重然諾砥柱存吾黨世俗乖厚薄努力聖明代放眼塵囂擴比翼麗鷄班酬唱輝花萼今茲匪車笠期矢泉與壑昭昭雪上鴻矯矯雲中鶴

老母遣价自里門來問訊近况率成二十五韻呈

慰

久客望家書不望家人至風沙隔三千跋涉非云易薄
祿無外求潦倒安素志僮僕稱追隨琴書吾夙嗜倚閭
獨傷神展轉憂况瘁一自客東瀛思親常不寐五日奉
母函十日得兒字江海隔山川裹糧無停使兒曰菽水
荒母曰勤王事勉之赴長安道遠情倍摯驛郵殊未疎
懷抱更勞勩冒暑辦行裝行裝曷可遲午夢正還家醒
見家人侍驚問何事來慈親念弗置尺書不及他千言
慮顛顛兩弟諄致辭囑體慈親意稚子亦能書瑣細塗
鴉寄展讀至再三慰藉兼心悸我遠客身慰我遊子
思神健喜母書遊子思何爲惟有凜冰兢出入戒輕肆
飲食及寒暄自知珍重視功名正壯年俯仰懷忤愧不
敢逐世趨不敢貽親累敬緘拜雙魚心與雙魚致

四弟之任武昌別駕言別四章兼以誌勉

四首

朝拜九重闈暮宿春明外弟兄臨歧別春風寒襟帶不
覺聚時久止覺別無奈不盡語千端但有心所會楚水
接燕雲遙遙動旌旆

旌旆三千里此別詎云遠况復近故鄉高堂可往返冀
爾祿養安使我夢魂穩我夢在庭闈數年深繾綣省覲
知何年悵望惟自忖

手挽青絲韁飛絮繞離筵絮起落無定弟兄情相牽季
弟佐郡掾叔弟守鄉田三人同一心三人各一天一經
坐攻苦半刺習周旋天涯盼魚雁努力思勉旃

古人重筮仕功名及少壯才智出性情動靜徵所養勿
蹈世人趨勿與同官抗吾家清白傳先澤在俯仰天子
今聖明青雲正寥曠

夏日入署偶成十八韻

暮雨霽朝霞出門淨塵土涼風起小軒單衫快微煦常
嫌入署遙今日無煩苦仲夏庭草齊槐花綠垂乳案牘
舊不繁淡堂如幽戶同僚盡疎狂清談鮮城府寥寥二
三生談經如環堵老隸竭周旋茗椀清肺腑坐久自忖
度慨然懷仰俯我生樗櫟材不堪作梁柱七載叨儒官
素餐嗟靡監仁義與詩書負媿知無補窮子入寶山欲
採缺斤斧卑卑籬下鷺層霄乏毛羽卓然以自持獨行

徒踽踽惟有少希冀職在力思努吏散聽鴉啼白日又

亭午珍重此聚散再聚日逾五

例以五日一入署故云

長兒必恭回南應童子試走筆勗之

時四弟以奉表入都歸騎

過里門省老母恭因得隨行焉乙丑三月十六日

帖括制舉業古來無此式有明沿至今講究于焉亟務
繹聖賢言用佐經書翼男兒四五歲章句親筆墨稍長
解應對詮註漸知識次第以行文神明超語默人各執
一經百家資組織大都十有五造詣差得力出補弟子
員宮牆貌欽崩譬若始駕馬低頭受銜勒父師教峻嚴
功名路坦直固未嘗分歧而惟別通塞孝廉薦于鄉進
士萼于國從茲登青雲幼學攄胸臆汝今總角時毛羽

前題原和集卷二十四
剛修飾士子恒爲士雨露仰培植歸試三千里我心實
孔棘逢汝四叔來言旋恰在卽王程便省親携汝大母
側更有汝三叔膝下得憑拭雁行亦林林弦誦共眠食
家世本簪纓孝友安儉嗇我素鮮希冀勉汝就尺幅三
叔善文章門內堪法則揣摩赴制舉投機如釣弋强弩
自吾操細綸自吾勅此際或有天吾期盡吾職決勝有
至理伎求滋愚惑興言縱汝去未覺間南北汝歸好自
持屺岵勿漫陟我久疎菽水倦遊將斂息下課汝弟兄
上奉高堂色橫經與負未寔我高曾德

黃山老布衣行

新安汪快士能詩文尤工秦漢篆
凡海內各蹟多勒章紀之集成名

山印譜以資臥遊茲來長安云卽
歸老黃山屬爲作黃山老布衣行

人生何必行萬里遍九州觸處山川眼底收又何必拘
一丘守一壑意外山川堪寄託自來物色屬幽人不數
桃源能避秦田公膏肓謝公屐一去一住情相親汪子
仔山却出山晨夕著作烟霞顏青鞋布襪走京國琳瑯
滿笈何斑斕紅木軒中秦漢篆刻畫乾坤奇變如躋攀
自言搜索情潦倒此身當向黃山老黃山佳處非一端
結茅桑梓覺倍好吁嗟乎君今尚未黃山歸黃山不與
君身違君今一日黃山去名山皆與黃山依把君一卷
清音在此中消息未應稀未應稀歲歲黃山老布衣

寓內城雜興

六首

帝里鶯花滿羈人感易生離家三載憶戀闕一春情景

物隨時眼交遊仍舊盟鶴鴦高樹茂棲托媿崢嶸

曲折西華逕人家隱直廬臣心原似水賜第只藏書寶

翰牙籤麗龍文 聖藻攄恩波與忝竊旨酒及嘉魚

鳩鵲弦初上垂鞭休澣時謂六兄敦復學士也入門無俗慮出袖

有新詩語愛良宵永情憎短漏移朝朝霄漢側清晝冷

書帷

携手尋芳地金鰲控上林碧涵滄海濶青入禁垣深大

澤歸竒獸遐方獻彩禽笙歌連禁籞指點日沉沉

白塔登臨處憑高景倍清晴光萬象合春色九重明車

馬喧官道樓臺繞禁城玉河千尺雪會有卧鱗驚

遊子當佳節低徊望遠天驚心青變柳到眼綠縈萱丘

徑將誰適琴書祇自憐四時三月好一度一流連

月下寄內

共此一輪月三年兩地看白頭榮念切黃口遠携難閒

可淡宵立光分小逕寬萱花堦下影應亦念長安

仲春南歸奉家慈遊聽雪山房

雪聽亦何杳飛來若有聲滌洄依磴曲奔湃咽溪橫未

遂閒居願歡隨慈母行春光珍重過荒草叶流鶯

晚行口號

樹樹接殘霞飛飛集暮鴉不知邨舍近難止僕夫譁風

靜看烟直天空見月斜萬端非預料今夕宿誰家

過馬嚴冲編修館署

龍眼庵新集卷二十四
長夏花磚靜高槐覆院清我來猶爾汝君尚似書生俸
薄厨能減泉甘茗再行塵襟淡語豁茲地本蓬瀛

携樽訪天壇道士董西池不值喜逢高道士潤生

同飲限韻

乘興步平沙秋光入望賒霏霏迎曙色曲曲引仙家採
藥應何地空堦自放花隔林有高士許共醉流霞

瘧後不寐

瘧入夜稍息猶于寐有妨眼醒當勁敵心怯泛滄浪月
影侵窗漸秋聲引雁長明朝搔首處青鬢有微霜

喜晤 姚耕壺年伯暨虛槎別駕至自滇南

一門看四代俱是望歸人旅况平安好家書次第陳萱

花榮念切救水繫情真翻恐絲綸下京華滯老臣

送吳冰持中翰歸里

年少絲綸客才推庾謝名如何歸騎迫端爲倚閭情我
亦思鄉者因君頻夢驚通家應拜母慰藉仗茲行

出門

勞勞歲暮理征裝何事催人車馬忙却盼雲霄京洛遠
又教松菊故園荒夢添滄海年來別路近滹沱日漸長
此去天涯遊子意惟將加飯祝高堂

元夕飲家敦復學士兄署中

佳節頻年隔海濱弟兄今夕倍情親談經退食携明月
賜酒分恩及故人春煖直廬花綻藥風清冰署夜無塵

相看勿更耽淡語將曙鳴珂待侍臣

寄吳少黎世兄

對硯分題年少俱偏余愛爾爾憐余無端壯歲多離別
幾度遙天憶起居才子翻應竒字累微官博得故人疎
征鴻寥落秋風濶皖水燕雲相念如

門人馬衡臣以其令祖方伯公空原園近體詩見

投感贈

龍山雅望接龍眠景仰先型幸有緣兵燹多年遺稿失
珠璣片羽嫡孫傳宦遊到處烟霞著老退空原氣節全
自是先生流澤永辟雍人羨白眉賢

倪繪江表兄同寓以詩見投依韻奉和

兩家中表舊相依十載風塵把臂稀雁陣秋高欣快聚
劍光萍合卽如歸孤兒往事悲何限旅夜鄉思夢共飛
需次暫澆燕市酒寒淡莫漫賦無衣

冬日遊馮相國萬柳園步吳魯園此部韻

朱門別業縛柴門不是春風春滿園突兀青看山隱屋
滌洞白望水圍軒疎枝影帶莓苔色落葉聲驚鳥雀喧
信是金莖多雨露烟霞淡處亦君恩

四弟除武昌別駕書報老母誌喜一首

弟來需次得同居寒暑依依歲有餘鄉國幾勞千里思
鄰封今幸一官除簪纓敢說吾家舊首荷私慙子職疎
此去會能供菽水郵筒先報北堂書

非關爭羨武昌魚
萊彩離懷可暫攄
烟水移家輕橐便
鶯花將母錦帆徐
青山郭內延官閣
芳草洲邊奉板輿
自古養親求近地
夢魂我已慰牽裾

春郊

晚春不分聽鳴鶯
遊興無聊任意行
高岍花飛低岍積
遠峰雨過近峰清
蚤綠隙地陳壺榼
邂逅逢人隱姓名
俯仰不知身著處
碧溪波湧白鷗輕

冬夜檢先兄芸圃遺詩涕泗不禁成五十六字

蘭蕙風姿素鶴身
五陵公子是詩人
香山高致應閒適
昌谷嘔心豈後因
家破鶯辭王謝宅
途窮鵬賦楚江濱
從今故國詞壇冷
噩夢池塘倍愴神

送姚綏仲孝廉兼呈畊壺年伯

海棠花過藥欄芬
春色纔交夏日曛
斗酒故人驚攬轡
半生心事在離羣
鵬飛暫息君才壯
裘敝思歸我意殷
知是涓陽猶子愛
爲言執手盼秋雲

春歸

江南芳草自萋萋
幾處王孫路入迷
贏得長安行樂處
林間不見子規啼

除夕封家書後口占二首

春風七日歲云除
怕說春光到客廬
家事徒勞千里夢
長安只有數行書

豈爲年華惜歲除
客心此夕憶吾廬
高堂兩地三千里

來日屠蘇盼寄書

寄馬嚴冲太史客鄂州 二首

嚴冲與余在京唱和詩有云何日金門同解絆

醉吟黃鶴望江船頃聞其有鄂州之遊因釋前

句却寄

風流太史五雲邊尊餽秋思著錦旋今日懷人在何處

誦君佳句望江船

暫息風塵亦自僊輸君先我著歸鞭醉吟黃鶴江樓望

望我明年春水船

張仲華

字玉叔一字碧峰大理寺司務怡齋公之叔岐嶷不凡父贈君蔚菴公篤愛之贈君歿與兄弟相師友一門以內率伯兄怡齋之教雍雍如也秩

秩如也比長補博士弟子員屢舉場乃下帷攻

苦築室于披雪山房顏其堂曰秋樹取少陵詩中

養親為園之意時奉板輿遨遊其間承歡之暇雜

誦不輟康熙丁卯秋赴省試揣摩已成迄不獲售

悲憤填膺抵家甫十日而卒或曰馬少游有言士

生斯世但取衣食裁足乘下澤車御款段馬使鄉

里稱為善人足矣玉叔席豐履厚有良田廣宅僮

奴裘馬之奉有園林亭榭花木禽魚之樂有圖史

香鼎彝玩好之娛堂上有難兄服官京闕季弟

倅郡武昌魚軒雀舫更番迎養之歡奚不可優遊

自適縱不獲登降承明徊翔田里為謝庭之瞻何

家之準亦足永朝夕而鬱邑侘傺以死科名何物

竟天天年何其不達也吾謂玉叔之死死于孝也

太安人春秋高日夕冀令子拔起科名以光大先

烈子讀其卯秋感懷之詩如怨如訴如猿啼三峽

如鵲叫五更如卞和之泣荆山如杜默之哭項羽

其最不能遣懷者惟懼無以慰慈親一則曰雖矢

壯心猶未已那堪白髮願難酬一則曰此際北堂

還悵望可知潦倒問歸舟孝矣哉玉叔乎玉叔與

仲兄禹仲皆年少皆多才好學皆明敏幹練楷柱

家政而皆以舉場躋躋莫慰母心遂戕其生後有

君子重纂邑乘採掇孝義之傳于張氏二孝子其

前明風雅集卷二十四
必有取
爾矣

登黃鶴樓

李白題詩舊遊處晴川芳草日沿沂勝地由來擅盛名
摠衣直上穿雲霧長江赤日浴金光蕩漾峰巒遶殿墻
自非豪士少奇致緬懷往事神飛揚檻外流水渾如帶
歷盡兵戈閱成敗跨鶴何人白眼窺一夢滄桑烟水外
夢轉黃梁蕭澁秋長歌一曲高樓頭我尋玉笛不可見
梅花氣落風雲浮吁嗟乎世事紛紜等塵垢神仙踪跡
人間有隔簾墩子正荷花孤舟出沒桃源友當窻披拂
清風來狂歌且醉樓頭酒

夜坐哭仲兄禹仲

悲風颯颯響林木恍如兄弟同夜讀景物依然人已非
對此安能不痛哭迴思廿年愛育情慘傷次骨難稱述
我父昔年見背初遇時不淑莫我穀孀母誓殉苦墜樓
貌我諸孤徒翬翬父執交情不足論外侮紛紛如翻覆
我兄夙負英敏姿年甫舞象經綸熟兄弟四人獨任勞
內外家政咸清肅恐隕家聲暗感傷不憚謠咏與謗讟
數年辛苦旣已成墳篋唱和隱林麓兄才高邁本絕倫
文章獨自成杆袖近駕歐蘇萬斛泉遠追秦漢暨公穀
高才不肯效時趨十年潦倒仍獻璞獻璞無功意已違
有才無命時聳蹙吁嗟乎憂鬱未必能傷人兄獨胡爲
至此且亾身架上書壁間琴猶如手揮目送笑語頻忽

前明唐荆川集卷二十一
思魂魄已不復恍然如夢復如真吁嗟天兮奚若此予
家世德誠無比嗟我祖父迄予兄後先不獲下壽死哭
兄兮人琴俱已亾痛兄兮花萼委荆杞兄存予未盡友
恭兄亾徒然悲已矣白髮堂前泣沈瀾閨中未亾泪若
水如此慘傷安能慰誰謂茶苦甘如薺惟兄有子頗靈
異撫之育之勝吾子出入必思殫厥心與兄撫弟求相
似兄其有知聽予言我心悲傷真無底苟非堂上與孤
姪我欲從兄地下偕臥起

夜間偶感

明月挂紅樹飛花映碧苔對景非不佳顧影空徘徊西
風吹我心上逐孤鴻哀孤鴻哀復驚嘹唳聲不平安得
御風翼與爾共悲鳴處世若大夢昔人已忘情

冬日偶成

二首

離離原草衰淒淒谷風厲茲時建子月荒村門獨閉幽
入擁褐裘兀坐心無繫雨夜自漫漫數椽聊足蔽寂任
世人嗤而我心獨契輕肥市上兒奔走風塵滯身兼百
種勞心無片刻遂何如茅簷下優游以卒歲

我愛白公詩逍遙分司時懶與道相近鈍將閒自怡才
智世所矜胡獨恬澹爲小閣靜琴張池上白蓮垂真樂
不關情先生能如斯

題四弟武仕小像

秋山勢崔嵬秋水何冽冽十年窻下心難忘膏火藝公

前日風雅集卷二十四
餘琴鶴隨長吟憶飛雪道靜息紛爭心平自怡悅古人
適性情所貴惟用拙與君共勉旃勿受緇塵涅

雨中過先雪樓和大舅父韻

傑閣臨幽徑秋淡獨掩關小橋通剩水高樹隱鍾山名
重心多苦詩工思豈艱笑予慚宅相問字白雲間

雨中又過先雪樓再疊前韻二首

霜林何肅穆灑氣啓柴關烟藹秋淡雨雲橫檻外山詩
連高閣迴話盡世情艱想像安心處松聲動靜間
幽居真可樂我亦欲緘關底事他鄉夢徒思故國山業
荒三徑遠秋老一身艱遙憶倚閭者徘徊風雨間

春日左注我方子將過訪山齋分得縣字

有客來新霽山山爽氣縣谷雲吞野樹海鶴到花田竹
逕能烹雪蔬厨爲引泉勝遊須絕頂春色倍嫣然
高瀑聳空際攀蘿不逕偏灘聲隨藥圃松籟落山烟倚
石詩堪和凌雲氣欲前嘯歌無賴甚勿慮夕陽縣

蔣瑤滋崖西齋中納涼

畏暑逃無術端居興欲闌最欣三徑好喜共二難歡地
僻群喧靜情真雄辨寬笑歌忘永日花溼露將溥

寒夢

寒夢無端積初醒若有聞聲從秋葉亂月傍古槐紛何
事愁難盡從來酒易醺鄰鐘敲欲斷爽氣徹星文

咏窓前老梅

前明屈翁雅集卷二十四
幾點衝寒洩早春霜濃雪暗是芳辰老枝斑駁生銅翠
嫩蘂微舒現玉真不怕六宮嫌冷淡獨標孤賞任清貧
柴門欲啓無人問空剩羅浮夢後身

錢田間先生暨諸子過訪山齋

文壇耆碩久云空碩果猶存離亂中收得五湖尋勝展
來當三逕落花風澗分疎石羅群彥潭映清流影一翁
盡日陰晴山色變憑君收拾入詩筒

立春後八日至雪畊園見澄溪含碧山色向榮偶

走筆賦此

勿將偃蹇怨年華眼底風光引興賒數卷殘書先世業
百年生計老農家春迴大壑初含碧雨過疎梅未落花
閒策短筇行自在好風時拂舊桑麻

山房粗成詩以落之

二首

借得鶯花結靜緣溪山安敢比平泉惟尋舊址開新戶
聊倚高林架短椽是處留花沿石坐有時舒枕傍松眠
幽偏似此能怡性每到歡餘頓愴然

憶仲
兄也

昔年仲氏費經營掃逕誅茆結數楹十載可憐搏翼志
三春猶憶讀書聲惟將菽水娛慈母且剪荆榛學野耕
最是承歡風月下怕云當日樹都成

山居

晨起惟披短後衣窮幽控僻入山微行穿柳絮吟還健
笑逐桃花醉始歸月影漸移松下石谷雲多傍竹間扉

鄰翁策杖來相約明日春遊興莫違

聽子規

落盡殘紅春意闌
催春鳥語白雲間
小窻燈冷三更夢
蜀道魂飛萬里山
望帝尚銜當日恨
野花空帶舊愁顏
傷心歲歲皆如許
叫斷溪林血欲殷

春夜飲鏡香亭聽歌兼送我思南下納寵

二首

園林葱鬱傷高城
剪燭頻留夜色清
幾樹天桃烟外沒
一聲長笛座中驚
歌喉宛轉銅壺急
酒盞清芬玉露盈
自是辟疆饒勝槩
勿辭酪酏到殘更
歌罷停杯夜未央
忽聞高調特清揚
曲中楊柳難分手
笛裡梅花孰斷腸
蘭槩晴搖遊客興
春江波映美人妝
不知此後東臯月
可許同儕飲再狂

春杪寄伯兄長安

三首

林花初落燕南征
遙憶吾兄扈蹕行
官閣詩懷春盡後
池塘幽夢夜深情
機雲詞藻傳東洛
班馬才名重帝京
莫把鄉思縈宦况
朝朝環珮逐珂鳴

六十慈親鬢已霜
春來遊事興偏長
手栽桃李陰遮屋

輿過山亭瀑引觴
嚙指常思遊子夢

伯兄書云日日望從龍眠披雪遊

雲遙憶客心傷
長安若有鶯遷信
先把音書報北堂

笑笑孤姪過人姿
穎慧今看倍昔時
久識伯忠鍾愛切
愧同淳叔教兒遲
承家舊業惟黃絹
繼武新聲仗白眉
爭擁花輿能養志
賣錫時節儘含飴

寄賀卣臣姪聯捷 三首

年少金門喜氣新上林先折一枝春
欣看淡墨明花榜
遙望青雲傍紫宸池上鳳毛添侍從
閣中麟趾協絲綸
君王聞說虛前席會見承恩得意人

猶憶當年竹馬時遠峰亭上樂無期
青箱自愧荷衣舊
彩筆新標玉筍姿一代文章推子壽
茂年才賦重陳思
如君自是蓬瀛客玉署還多應制詩

伯氏新除入帝京書來淡感仲容情
每當午夜羈栖
况喜共青燈笑語迎國寶世傳鸚鵡
鷺隊家聲久有鳳凰
名內廷此日多詞賦不負鶯花遶禁城

送鍾書泉歸里和原韻

鍾子才華足唱酬經年題咏滿山樓
交疎慚我多行役
傾蓋逢君復去舟樽酒不堪今夜月
奚囊猶帶暮雲秋
此行幸遂田園樂莫向江湖又遠遊

龍門庵留別浪公

信宿譚經笏室西臨風別袂忽淒淒
人辭白社慚元亮
橋度青山隔虎溪轉憶松筠心尚寂
迴看烟霧路幾迷
把君詩句閒吟咏歷數龍門十二題

楚歸初至碧峰

畢竟烟霞引興長難將塵俗減疎狂
澄溪水淺經春碧
溪谷松陰傍晚蒼意到隨吟長短句
倦來高卧水雲鄉
小溪入市頻來往只爲花開覓酒嘗

晚泊赤壁

峭壁高臨漢水流翠凝千嶂古黃州最憐豪傑揮戈處
不及文人載酒遊古寺綠苔迷石碣空江皓月到山樓
當年作賦情何極指點臨臬在上頭

武昌署中與四弟武仕夜話

努力風塵歷苦辛政聲今喜滿江濱雖艱祿養慚遊子
惟有水清慰老親澤遍柴桑知其潤風來琴鶴靜無
塵盈盈一水澄千尺時照官齋徹底貧

胡亦武先歸里門江舟送別

金蘭先世本纏綿踪跡天涯隔歲年黃鶴幸同名士屐
青山復送楚江船歌殘玉樹驚分袂浪拂檣花照別筵
君去我留徒悵望我歸君又著征鞭

早春

何處春光最早生綠窻初曉雨新晴軟泥初襯苔痕濕
弱葉頻舒水面輕蛺蝶已飛殘榻夢鳴鳩欲換舊時聲
堦前桃杏含紅遍獨惹東風一段情

春日花下喜得伯兄家書却寄

滿苑韶光稱樂窩忽傳書至晚風和長安官况貧如洗
故里交懽喜漸多須効昔人諳掌故勿同騷士僅詩歌
明年冀北花如放待我春明躍馬過

四弟自武昌以詩見寄賦此答之

衡門無事便高歌靜掃閒堦掩薜蘿自是山人成痼疾

龍門風雅集卷二十四
豈知仙吏解吟哦
水衙琴鶴饒風韻
舊社賓朋共琢磨
讀罷相思楚水濶
一輪溪月轉新荷

丁卯金陵渡江感懷四首

有序

秋風失意返轡無聊裘
敝黑貂已灑蘓君之涕
霜凋紅葉還添宋玉之悲
望岐路以哀窮逐洪
波而問渡雖慷慨有志雅
欲先著祖鞭而時命
不猶未免數朋卞足徒恨
淡源之怪事咄咄書
空竊恐鄧禹之笑人寂寂
沒世爰効五噫之咏
用寫九曲之腸非敢咎人
聊淡自責云爾

西風孤櫂泛中流
敢以牢騷作怨尤
雖矢壯心猶未已
那堪白髮願難酬
別時夢向泥金切
到日書傳泣玉羞
此際北堂還悵望
可知潦倒問歸舟
自從髻鬢學吟呻
擬向金閨步後塵
五度淒涼秋草路
十年悲憤秣陵濱
劉蕢下第顏終厚
蘇季歸來家本貧
縱使逢年猶有待
可憐少已不如人

豈是文章未遇知
歐陽摸索暗中期
功成一簣偏逢蹇
憤積孤腸轉自疑
抱璞縱然人未識
封侯何至我偏奇
天心有定終難問
一望江城一涕洟

勿嗟偃蹇但悲歌
生計須知老澗阿
扁月柴門高臥穩
看花別墅侍遊多
空堦霜冷留黃菊
小圃英繁長綠莎
笑指林泉還自遣
放閒應勝此蹉跎

旅館聞秋蛩

蕭條秋色滿江濱
遠有蛩聲響夕曛
恍惚悲吟愁思賦
依稀低誦送窮文
知君有恨還應訴
似我長鳴孰與聞
極目淒涼中夜泣
幾回展轉筆難焚

雪泉下小溪名桃花溪

當門曲水絕塵埃
每徬春風遶釣臺
可是峨眉山雪化
桃花初煖漲初來

園中雜詩四首

脩篁雜卉自周遮
翠羽呢喃語碧紗
恰是小窻秋雨後
海棠初發數枝花

花覆圖書影漸移
匡居端坐肯停披
就中覽盡唐人句
不及南村一卷詩

半撥鵝絃對落暉
當窻飛鳥亦忘機
林梢吐出新鈎月
半映珠簾半上衣

石牀斜臥對晴空
爐火當堦一點紅
玉露滿瓶還未熟
幽心先碎落花風

山莊卽事七首

薄雲輕霧點香塵
遶屋青山著雨新
兩日高眠無一咏
隔林花放又催人

啜茗吟詩對澗阿
俯看修竹與新荷
沿溪一帶藤蘿覆
惟有漁人結網過

苦愛澄溪一水橫
當窻旋汲洗茶鐺
茗香秋露誰同味
棗栗新香分外清

菊綻黃花覆綠苔長廊啜茗獨徘徊清幽最愛憑欄立
楓葉蕭疎暮雨來

荆扉鎮日掩蒼苔剝啄聲從竹裡來有客相逢忘禮法
入門先索酒瓶開

淡翠當軒月滿空寂寥誰與此宵同劍南詩集吟初罷
朝暮追陪一放翁

綠楊淡處小橋西門對方塘罨古堤潑刺錦鱗初入釣
水田剛報稻花齊

山齋賞杏花

當軒一杏小橋通歲歲年年花事同惆悵不堪紅落遍
停杯無語對春風

讀列女傳後讀蘇武傳

冰同清潔玉同姿不異吞氊嚙雪時卻怪廿年關塞遠
未傳小婦斷腸詞

題蘇李錄別圖

黃沙漠漠塞雲橫携手河梁感不平自古銷魂多少別
誰人得似此中情

思婦詞

黃榆白草玉關秋少婦家家暮倚樓妾意獨懷離別恨
不求歸蚤願封侯

走筆贈王郎

二首

窄袖輕衫舞柘枝媚人全在折腰時低聲唱出清平調

羞澁眉梢欲轉遲

吳下三良姿出塵風流今又玉為神盈盈辦就鶯紅曲

故意樽前向我顰吳門舊有王郎梅村學士作王郎曲

龍眠風雅續集卷二十五

木厓潘 江蜀藻輯

方

幟

字漢樹號馬溪副憲聞菴公之長子年十二即補博士弟子文譽蜚起與里中江鱗一中

龍許博豸明諸名流結環中社迭主齊盟隨聞菴公過江僑寓秣陵者垂五十年牛首雨花之間題咏無虛日順治丁酉以年資貢于禮部廷對第一銓部欲官以親民之職辭不就歸與老友林那子古度杜于皇濬白孟新夢鼎諸耆宿詩酒唱酬有終焉之志康熙甲寅廷議復明經得授廣文因司訓蕪湖以方正表率人倫日集諸生講學課菴四方來遊者輒館粲之弗怠自署其齋曰士若問奇惟載酒吏元兼隱自栽花其坐人春風在鵝湖鹿洞間攝繁昌有治聲擢興化教諭作人與蕪陰等而蕪士之感公者尤至嘗手植桃李梅柳于學舍蕪人士比諸甘棠迨興化返權過蕪蕪士爭為儼一枝郊外公亦顧之色喜遂老于蕪之但園公性恬退寡營步趨端重尤好獎掖後學世推為長者其讓宅解衣之德指不勝屈至奉其業師袁岌山齊沈水兩先生生養死殯更為罕見視今之

前集卷二十一
負義倍師而操戈入室如某某者洵名教中之梟
獍也詩學沉酣于浣花履道之間有集二十卷子
仲舒珠鱗藏于家是集將告竣惟和憲先生諸子
姪之作尚多闕如珠鱗歸自白門家于戴冲手捧
遺稿與鈔板之資重趼入城鞠脆以請
為亟取而節錄之用以答其孝思云

寄大人粵東

亂後微倖有今日許多悲喜寫不出萬疊風波止自憐
三年辛苦向誰愁蒼頭忽自粵東至開函喜見平安字
同行少壯獲瓦全主人名壽邀天賜木落霜寒鐘磬晚
夜深夢繞江山遠身無羽翼不可飛慎擇僮僕且暫遣
為道腐儒再上書黑貂敝垢仍貧居遙祝干戈早休息
日望嚴親返故廬

立冬前五日林那子招飲南郊看菊同顧與治白

孟新

小春天氣恰如春勝地徜徉賴主人十月尋秋寧憚遠
一卮對菊竟忘貧艷當日午全無恨高立霜初獨有神
今歲看花纔兩度同遊猶集舊時賓

十月賣裘

賣裘得值買裘天物幸逢時轉自憐破甕但求供白粲
寒窗應不戀青氈淚痕仍帶燧燈色墨蹟難高賈市錢
却憶長安年少客金蓮光照錦袍鮮

典衣

鷓鴣敝垢亦無多賤典金錢奈若何溼比青衫慚司馬
香沾紅粉憶雙蛾暫償米價還沽酒不用書空且

詩去聲

龍門風雅集卷二十一
放歌昨日繡衣持斧者已囊三木滄滄沲

米到

鄉關忽到船驚起日高眠聞說耳先飽寧知目已穿江
寒無阻權竈煖定生煙滿室歡聲沸遲來更可憐

謝人贈墨

藏墨傳家久相貽見古心似君嚴一介於我重千金啟
篋欽殊色臨池助短吟文章看老進良友琢磨淡

賣貂冠

爲二兄郡丞公贈

萬里老兄意分温亦壯觀固知冬得令轉覺賤難安枵
腹慚元首鶉衣戀鶻冠家貧輕一擲減價更心酸

清明日蛟峰兄招集藤軒卽席分韻

芳尊連夕更連朝爲有朱唇倚洞簫秋水獨垂遊子盼
春山不向少年描天涯薄命同萍梗邂逅淡情勝柳條
記取清明通上巳新愁舊恨總全消

金水橋應試恭紀

勾臚不襲舊朝儀新覩 皇居劍佩隨白玉橋通紅葉
水黃金屋隱綠槐枝傳聞駐蹕昭陽殿想見焚香太液
池彩鳳有書銜未下掖廊淡坐日遲遲

人日懷于皇孟新諸子

人日梅花下吹香似舊時山淡春亦到客冷玉能知對
月金尊倒當歌翠袖垂所思惟老友勝景各天涯

送子克弟廷對

龍門居士詩集卷二十一
屈指春明駕北車廣川三策動京華高翰已入雲中路
老手重攀月裏花醉繞古藤墳吹叶夢吟芳草雁行斜
寄聲伯也郎官久開府何年出建牙

秦淮燈舫十二韻

菰黍傳佳節鳧車選勝遊千燈張古渡萬籟響中流龍
勢穿橋入珠光到岍收陸離河路擁熠燿海山浮次第
常銜尾盤旋忽占頭招來香結篆盪去水澄秋俯視波
如穀回看屋似舟高臺明舞袖急管掩歌喉影亂魚爭
躍林喧鳥畏投錦標催桂楫画鼓撼朱樓吐談驚新月
連輝妬石榴江心堪作鏡照遠更通幽

送李鍊師歸茅山

道人灰百念難斷是交情暫舍山雲色來聽竹雨聲窗
寒忘六月茶熟記三更忽又吹笙去羅浮燕羽輕

庭草

閒庭芳草色誰遣綠年年不似朱顏改偏宜青眼憐半
分桃杏雨長帶薜蘿烟正愛春陰寂萋萋媚遠天

秦淮新水次于皇韻

積雨添新碧波痕兩岍寬柳絲連影溼花片逐春殘未
及招燈舫先堪試釣竿望中烟黛遠高興一憑闌

柳幢宴集次于皇韻

小庭初放菊十日快秋晴獨與黃花對寧知白髮生杜
陵傳好句鄭子有難兄勝地邀觴咏風流占石城

山寺聞鐘

到山塵已滌况復夜聞鐘清夢忽然破秋聲不在松能
催紅葉下未許白雲封此意無人會蕭疎散遠峰

天闕道中

離喧舒曠覽獨杖得晴天步緩窮冬日筋衰異少年江
城新鬼積客思故鄉牽已廢前朝墓還耕隔歲田人家
紅樹裏驢背夕陽邊坐憩懷芳草行吟把舊編莫愁山
寺遠雙闕望中懸

山寺朝陽

可愛惟冬日温温散瓦霜衣單堪借曝酒斷勝持觴先
雪傳春意催梅動蚤芳尚疑昨夜月留影在虛廊

柳邊感舊

半世消魂在柳邊芳春唱和滿花箋小窗池水依然碧
只是王孫不少年

山間小黃葉可作片紙題其上

已辭芳樹綠不逐御溝紅風定歸根靜霜消著色空全
收供茗竈偶拾人詩筒攜贈高吟客分題雪夜中

于皇諸子嘲予花前白髮戲荅一律

久拋明鏡避衰顏驚聽顛毛忽已斑驟至無心成一老
潛生有故爲多艱疑隨徑草經春雨羞坐林花對遠山
脫帽往來雲鬢側少年意興未全刪

東園雜咏

園爲徐武寧別墅

知是汾陽地如何獨此存危隄環麥秀廢閣倒溪渾已
斷歌聲咽猶疑舞袖翻春花長得放歲歲說東園
龔山新卜築知在杏花西江上去何久門前到轉迷園
梅香已過坼柳綠初齊可念空閨裏春淡聽鳥啼

送別內弟吳文譽歸里

憶君三歲還鄉國今日重來偉丈夫舊地尚堪同立馬
空閨誰與佐烹飪余炊日書中播穫豐年望泉下水霜
血淚枯歸託膠陰加勉勵人生建立在羈孤

與四兒珠鱗寒夜看月時年五歲

庭掩層冰夜欲闌自知衰早不勝寒老夫撥火吹燈坐
稚子牽衣向月看暗以清機占遠大轉將逸興慰艱難
呼兒更待春花好杯酒長依膝下歡

雪羹

曉起澄吾慮焚香薦雪羹家貧羊棗在霜後菜根清共
飽呼兒女分甘及友生梅花檐外笑亦喻歲寒情

路姊自棕川寄蝦糟至

同胞惟一姊每節祝康強蝦菜封來固餅疊色併香隔
冬經女手十歲耐糟糠余女適外甥路車何必秋風起蓴鱸憶

故鄉

九日次于皇韻

百歲重陽將過半繁霜入鏡不須猜新逢曉霽催筇杖
欲向秋江選釣臺小摘園蔬今日飽更巡盆菊幾枝開

東籬莫吠看花犬恐有山人衣白來

齒動

漸覺衰侵齒飄搖勢可危含香猶有夢食餅竟無期愧
少穿齧力空餘漱石思嘯歌能不廢藜藿轉相宜

五十自壽 十一首

吾年忽五十霜髮坐蓬華回首癡訓初諄諄如昨日兵
氛隔嶺雲陟帖淚沾臆至今天闕下孤櫬寄荒寂

大兒守田廬次兒客江邑三兒悲早殤四兒齡始七節
儉足承歡詩歌代捧檄撫穉念箕裘強之親書籍

九女三母出女多詎足累嫁者既有家殤者失其二刺
繡喜雙添萊蕪亦增媼最憐小女饜不知阿母瘁

仲婦遺雙女三載依祖庭阿父迎之去扁舟入棠村棠

村亦有女云是新婦生含飴幾凝望江上煙波橫

同胞有孀姊六十聞康強吾女奉箕帚舉案甘糟糠吾

甥徒骯髒何以奉高堂言念分微祿一官杳茫茫

故鄉五百里高江一葦輕樵蘇藉山木稻梁足饗殮胡

爲滯此邦八口空哀鳴又恐猛於虎歸興復逡巡

先人愛園居丘壑勞穿鑿雜花映回廊喬木庇高閣繁

華一炬灰頃刻成蕭索昨夢立橫塘把釣雙魚躍

自昔來江南習俗相沿舊矢志登要津一上治安疏蹉

跼今已矣波靡不可救願反父母邦庶以淑吾後

末俗尚浮華生辰滋煩費徵詩輯錦屏開宴闌鼓吹我

茲遠謝之麋鹿適其意寒梅古松畔自歌還自醉
我寔煙霞客應舉多苦衷廷對冠六經名在銓選中賤
比抱關吏豈有麟閣功一命視河清出處兩從容
少年頗好道中爲塵俗牽家國閱滄桑此心已了然猶
記拘幽日蕭蕭歲暮天身在樊籠外勝陟方壺巔

剃髮

一剃一回老驚看白漸繁易同春草長難共葛巾存廢
鏡逃清照銜杯學醉髡豈惟櫛沐簡更掩雪霜痕

賦得失學從兒懶

老年憐少子長恐失傳經架滿徒驅蠹囊空懶著螢弱
難施夏楚病且費參苓何怪陶元亮揮杯醉不醒

得長孫喜賦二十韻

尋菊得醉歸棠村書報喜開緘眼模糊歡聲出於紙云
以十八日誕生第一子湯餅集近隣我書適至彼回音
報堂上雞子實筐底紅白各十枚燈下燦無比乃習故
鄉風生男例如此讀過把書歎忽然念考妣恭人夙艱
嗣長齋咏葛藟予生居嫡長同胞惟一姊及子舉子年
雙親五十紀舉子汝後期得孫我同軌有孫意已足有
子事方始錫名曰棠華記自棠村起且歌棠棣華花萼
垂青史及今學義方將來奉菽水欲盡慈之道先求孝
之理積慶保修齡願孫孝於爾不敢祝聰明况敢冀朱
紫明日告先人吾今有孫矣

贖得案上二爐一爲亾妻越氏所遺一爲老僧鍊

漢所贈

雙爐重伴一青氈秋去冬還覺有緣試火似傳春氣到
移燈爲照冷灰然鉢龍破壁留清篆釵燕埋塵續舊烟
不顧膽瓶梅萼忌離懷且慰雪霜天

弔林翁那子

三首

江南不見老詩人百歲難留十四春袖底一錢存萬曆

舌端千首憶雙親

翁相晤必誦其先人詩

竟陵在日詩名並宗伯

遺風墨蹟新

翁與伯敬友夏牧齋思自四先生善

亂後欲詳天寶事白頭

宮女委青燐

行游常帶小詩筒舊竹斑斑淚點紅一杖斜陽鞭影下

半間破屋鼓聲中不留嘯咏招花鳥惟有鬚眉託画工

竟與銅駝共荆棘愁遺今得幾衰翁

先生何怪別青氈我輩顛毛失壯年未賦繭窩慚挂劍

翁向索賦繭窩詩

曾歌馬齒祝加鞭人間縱少唐朝句地下新

增洛社賢捉鼻正愁今不免布衣風節乳山全

于皇秋竹見過典琴沽酒採庭前燕菁作供分得

歌星二字

二首

叩門無俗響知是故人過江上飢驅久花間病臥多浮

生成泛梗半日共烟蘿琴值將沽酒清音寄嘯歌

桃花飛片片芳草向人馨諸葛名堪愛

蕪菁名

羊求屐且

停古秋留竹徑嘉會續蘭亭三月莫惜今宵醉春風吹

鬢星

燕子來 二首

竹窗睡起短屏開，忽喜春晴一燕來。
似識烏衣元有巷，相親白髮渾無猜。
早除雀艾虛梁棟，待采泥香上砌臺。
何處雙飛偶失伴，江皋覓得好飛回。

紅襟對對抱朝陽，結伴重尋舊草堂。
昨去定呼明月夜，今來新帶落花香。
迴翔故壘西邊好，細語春風客路長。
莫羨豪家金作屋，須憐織手玉爲筐。

尋菊不見

閒攜穉子起秋光，種菊人家處處荒。
野叟自言花少利，隣兒爲訴雨多傷。
旗亭欲血游筇倦，歸路翻矜老力強。

晚坐東籬看手植，枝枝含笑待重陽。

同孟新野眺

曉霽孤懷忽暫開，晴軒雀語故人來。
新詩咏菊驚成帙，早飯烹菘當舉杯。
結伴徒勞穿曲巷，尋菴因得上高臺。
西山秋色隨雙杖，南北平分一杖回。

喜晤趙以贊表第

母黨兼妻黨，如君實至親。
相思廿載夢，對面百年身。
問荅無倫次，悲歡襍舊新。
花前不一醉，知我別來貧。

還山二兄過草堂，同孟新分陰字晴字 二首

城南三日聚未罄，五年心忽逐高天。
雁來窺淡竹林厨，烟炊白粥詩句發。
清音好友同拈韻，遲杯待月陰。

寒光輝竹露夜好似秋晴送客還淡話挑燈已二更
眠童意懶步履鳥棲驚枕被今能共年年夢裡情

秦淮竹枝詞取其幽勝不經人意要以感舊云

珍珠橋過竹橋東曲曲清谿樹影中一自沿河添壁壘

城南簫鼓未曾通

竹橋一帶遊城南者從此發舟酒關絡繹而返較秦淮更為幽曠

尋梅逢孟新出隱僊菴相攜往張園看梅又至古

祥寺梅下遇同人共奕遂共午飯用杜集寄高

詹事寇侍御韻二首

尋梅逢老友一杖出僊居此會緣何巧同行伴不疎遶

山迷玉蝶換酒憶金魚更欲窮花勝如觀未了書

攜手入荒寺不來三十年梅疎爭鬢雪竹隙見江船客

遇圍棋後僧留小閣前共餐香積鉢歸趁夕陽偏

重陽前五日同孟新訪秋竹不值過茶村出蟹酒

孟新復邀同北山尋菊留飲冠山堂限衣字

公子荒三徑幽人啟一扉正逢杯可共况有蟹初肥甘

旨分同調清遊趁夕暉黃花山北近更振芰荷衣

茶村孟新先後見過留飲限嬌字黃字二首

晏坐愛秋陽晴光就草堂正當詩客過共對菊花黃遠

迹開元舊閒徵煮蟹方香山期不至新釀敢先嘗

白也來何莫南軒酒正饒羊求雙屐合壘塊一杯消門

外河工急花前月色嬌同歸應得伴莫憚北山遙

送六弟樓岡之嶺南

前印風雅集卷二十一
鵬月江航向五羊曾經先子樹甘棠廿年豈第知何在
同姓艱虞不可忘倘過韋村逢父老爲言感泣積星霜
此身無翼慚株守安得飛鳴逐雁行

寒食沈慵僊招看海棠同孟新及舍弟樓岡與三

敦四限紅字

層樓新築短籬中下瞰全花瓣瓣紅幾樹珊瑚難獨對
一簾風月與人公連陰得霽留春色諸季先來待醉翁
丘經改觀今得主舊遊何處覓西東

鱒魚二首

年年江上打魚鮮眼裏魚過四十年猶記前朝司禮監
金盤先薦孝陵前

城內朱門幾十家烹鮮不改舊豪華可知白髮蓬門客
獨向中林掘筍芽

孟新招飲菊下偶咏昔人警句因限爲起語二首

月色水舖地人從醉菊歸得花思老友留蟹盼斜暉後
至殊添興孤斟妙入微把書觀客飲相對兩忘機

雁聲秋滿空隨雁到花叢衣聖何嫌瘦顏酡祇暫同文
章圍膝下詩史寄屏中送我河橋立煙光萬里通

歲除祀先大夫爲伯兄石公仲兄還青從兄蛟峰

位配享

平生知己是耶非門內三人甘苦微早歲文名江上立

石兄建南溪社晚年唱和漢中歸還兄漢幽篁常夢藤
與予稱十子

陰綠予入都客小草新驚花萼稀薄薦椒漿多感愧友
于欲報寸心違

先大夫忌辰感懷

孤櫬空山廿四年每逢此日淚潸然重思嶺外彌留際
難補江南離恨天俎豆雜馨傳燕翼干戈何地剩牛眠
白頭捧檄無人見色喜虛疑在九原

八月部授蕪陰博士冬仲始聞報束裝二首

知我宦情少應教邸狀遲彈冠來有興束帶去何爲烽
遠傳之急裝輕助者誰鳩茲地不遠或且免調饑
江程二百里兩日到官衙鄉信縱陽水家郵白下艤栗
書擔共鶴杭秫種兼花米老傳碑在閒時試墨鴉

乙卯獻歲六日儼裝之蕪陰

呼僮齊蓐食水陸併爲裝解纜風方利登車路匪長庭
梅難捨綠驛柳易催黃愧彼幽栖老屠蘇醉艸堂

連雨

爲舒內顧強移家依舊門東索飢譁把卷雨昏惟覓枕
呼童土濕易鋤瓜蕭齋屐少苔常綠穉子文成日未斜
自笑清風同往昔祇羸掌地喚官衙

六弟樓岡見過

常誦春風蠟屐詩秣陵別後重相思果然獨買海陽權
因得同捫學記碑盤對琅玕於我足蹊成桃李較君遲
莫憑前路多知己舟到匡廬慎所之

贈寧生

到官不見老同年訪得青箱一子傳能讀父書徵舊澤
欲敦友誼課新篇篝燈朗照春秋富卮酒淹留禮數蠲
離母從師知好學只愁門倚隔江煙

華陽道上

此路吾經熟勞勞却似前從師空學步攜子復同憐野
樹成喬木當壚換少年笑看車上客白髮錦衣鮮

分鄉米餉無葉和尚

苜蓿官衙一草廬閒栽花木自蕭疎知音白足能相過
入世紅塵愧不如炎月馳驅難免俗隔江夢想乍通書
新租分作伊蒲供飮飽披襟勝曳裾

陸家店題贈主人

之官獻歲曾經此晚飯燒柴禦雪風半載馳驅成熟路
一牀安穩寄香叢燈懸冷照秋階下影動寒芳客眼中
昨過艸堂花事減却將此處補籬東

杜蒼庭過訪留飲同羅子經曹楚航分得杯字

白門何日不同杯此地同杯喜更猜春樹常於雲裡望
江帆豈自夢中來依然留客烹霜菜添得高朋坐碧苔
賴有樅川載杭秫憑君醉飽莫船開

雨中有以鮮鱗見餉者憶龔山叔父

四月鱗魚價漸平一雙那得易爲情雨中好就階前洗
興至須拚甕底傾舉室歡聲因此出無端感慨忽然生

醉餘頻誦春江句歎惜詩壇失步兵

三月十九日偶作

吾家高尚翁山老此日年年一作詩歌斷首陽愁夕霧
節同寒食感春時蒿呼昨夜隨來眾弓墜煤山記得誰
獨蕤瓣香更野服不堪啼血過青枝

再過萬松庵

不到山庵又二年層陰依舊壓階前彈塵猛省淡如許
捫髮徐驚白未全客枕偶尋幽夢入鶯簧時為斷鐘連
長林霽影同篩月怪此森森六月天

雁過

薄暮抱孫立驚聞有雁過雲中矜羽翼江上慎風波下

視黃花好重來白髮多鄉關萬里遠飄泊夜如何思遠人也

喜八弟邵邨來蕪二首

片帆輕挂忽西來一月盤桓共酒杯布被堪同留豸繡

鱸堂挾長僭烏臺朝陽潑墨春風早西墨牡丹帶醉題箋夜

漏催擊節縱觀重扼腕霜威終掩謫仙才

柏臺繩武世爭誇首藉根連列棣華竹馬鄉園如昨日

蘆笳邊塞又還家張憑船遍王孫草李白袍粘荔子花

謂樓岡栲且喜萱堂能健飭英英玉樹擁朝霞戲集草木字

挽土街鄰友

菊月征車返白門特尋老友訊寒溫相逢正乞長生藥
別後旋招處士魂豈是輕身天上去自矜多故病中存

音目風牙龜集卷二十五
不知退老還山日誰共看雲秋樹根

亾友許博豸子殿左過訪

官貧常恐故人過獨喜君來掃薜蘿
道跡田居今且老折腰江上興如何
桑麻沃處牽歸夢桃李開時共醉歌
話到當年悲砍地書生正氣在山河

五月朔日與同官登太白樓

鳩江才子老蕭郎閒寫丹青在竹廊
忽聽松聲連遠瀑試看雪影散幽篁
竒文草腐兼煙滅貞行山高亦水長
却憶雞壇借鮑子剩予捫壁拂清光

江門老妹遣子澹存問訊詩以送別

同胞今剩兩人存一妹迢迢隔故園
獨守官貧仍四壁爭看宅相足高門
寄來山味增鄉思讀罷書詞帶淚痕
花煖春淡正酣飲有如白髮共芳尊

飲三慈庵同致先希周

郊庵戒律頗森嚴載酒相過也不嫌
竹下移尊秋氣爽塚邊得醉道心添
尋花幾處堪停屐試蟹初遭莫論尖
連日游車胡太數却因此地有鱗潛

喜白大孟新來蕪相晤限秋鶯二字二首

江上懷人正蚤秋人來江上雨初收
海棠倚砌紅如滴家醞傾杯綠可浮
茂叔同官多意氣參軍作客尚淹留
故交新好成星聚未許恁回白下舟

清晨柳外忽來鶯似爲同心一發聲
強病自公情已倦

高才到老興還生水荒麥飯連春夏黨錮碑名有弟兄
閩海得人今報命錦衣應過舊陪京

次韻答潘木厓

須知官冷亦寒氈著作輪君老更妍遙惜謝家芟玉樹
敢將詩句儼青蓮弘文開館猶虛席幽夢還鄉穩種田
漫道今時多捷徑顧予何得躍三鱣

過興化思文正公築隄處

澤國邛邛一水齊遺民猶說范公堤當年秋穫禾香好
此日春波艸色萋欲望西湖朝柳沐祇同東苑晚煙迷
誰能再障桃花浪上此成功待錫圭

方綏遠

字履開副憲聞庵公孫學博馬谿公長子也
年弱冠隨祖宦嶺南遂籍嶺南諸生一時文

名蜚起有司以為終賈復出貢於廷終以侍祖左
右不拜官其為人愿謹寡言笑孝友稱於里閭無
間言當間關播越之際侍祖湯藥數千里扶櫬而
歸辛苦備嘗卒以心血耗散不克永年甫三十無
疾而終

送別李芥須夫子還家

幾年棲嶺嶠歸計日經心半榻猶風雨一尊誰古今笙
歌融帳冷驛路庾梅淡故國思無盡那堪商與參

韋甬山莊侍王父花前小飲

客齋淡坐碧蘿秋著膝分甘忘廣州吟去郊南時載酒
釣來溪上本無鈎過墻楊柳開三徑動地煙瀾護一樓
歸思還同梅信發龍眠雲樹隔林丘

奉懷大人

十年依祖膝每夜夢嚴親歲月干戈裡音書江海濱凍
燈還自藥游鯉亦空鱗棗栗偏諸弟庭闈少一人

海南道中

欸乃聲中客思閒海南風景似鄉關孤舟斜過小橋去
煙水殘陽又一山

晚眺五羊城

久客登臨怯黃昏嶺上頭白雲何處見荒草幾人愁鴻
雁悲鄉國牛羊上隴丘何堪吹暮角日日郡城樓

自白下移家茶山呈大人

忍別椿堂返故丘江天晴雪照孤舟半生未遂榮親志
垂老翻增憶子愁家裡平安還易報盤中甘脆恐難周

春風滿路須東下擬載新篋古渡頭

喜四弟珠鱗入塾

高堂白首青雲志潦倒諸兄進步難孤矢久懸冬晝煖
詩書新授夜燈寒于公駟馬門猶待王氏三珠望正寬
恰值故園來定省對牀風雨共承歡

茶山卽景

秋雲捲碧天靜坐晚花邊畦曲村村黍山幽樹樹蟬潮
痕青岍識人語綠陰傳莫笑爲農朴居然上古年

啜茗

幽泉泛微綠至飲若予私采自雲淡處烹當睡起時色
香爲美並清苦一心知同味人難遇神交託素甕

咏畫眉鳥

學掃雙蛾映舞衣筠籠斜挂覺依依美人時為芳名喜
京兆寧須彩筆揮曉夢窻前如喚起嬌啼花底似催歸
縱教飲啄多香粒爭得空山任意飛

過仲弟仲舒黃華山莊

廿里鄉邨近同余遯世心俗塵驢背遠秋氣鹿門淡老
樹吟詩屋新篋賣賦金閤來花萼下枕被共招尋

方育盛

字與三別號榜舟順治甲午舉人官詹坦菴
公第三子性敦敏好古文辭順治丙戌江南
再行鄉試中副車甲午舉北闈主司錄其表策陳
御覽戊戌以弟事株連謫居塞外與同難吳子漢
槎祀斗姥朝夕虔禱冀賜環以慰二親卒得白費
還公之力多焉既歸見季弟力不勝工與諸兄弟
分道稱貸以佐之所至輒傾倒其主人甚有解驗
投轄繫維不忍別者蓋公為人至誠平易與人交

推心置腹洞見肺腑有所謀必委曲籌畫玉于成
而後已在都門有計部某公與其弟宗伯公小育
邨公為左右譬解俾友愛如初後計部歿宗伯公
為邨其孤倍腆曰吾不忍負方先生忍負吾兄乎
又有友遘家訟為多方排解以平始終無德色後
官嶺南招公至下榻分俸及公卒而經紀其喪以
歸曰吾愧不能報君萬一也其為人所傾下如此
性僻耽佳所至輒成帙有集十九卷卒之前一日
某太守召宴慶雲樓猶即席長歌數百言伯兄學
士樓岡公尤愛其晚年晉游草隨成草楚游草為
最工隨成草為庚申還里與姻友暨子姪唱和之
什予為序而行之決其必傳今撫入選者什之七
八公事親孝宮詹公嘗咏詩是吾家事以為庭闈
間至樂妻吳亦能孝太淑人在廣陵思之至泣下
子四人嘉會縣念祖雲駿皆有
父風此則禾客縣所手授云

將發毘陵留別楊水如先生

江流纔漲桺纔絲恰是歸人解纜時鴻瓜印隨冰雪散
嚶鳴聲出別離悲平原酒湛醒還醉故國春淡夢復疑

前日風雅集卷二十五
末俗對君存古道依依不獨爲臨岐

洗象行

長安初伏看洗象朝常沿習成游賞欲洗未洗狀如何
先到象房後河上一象一房一象奴象奴呼象象亦呼
誘以芻菽獻羣伎能爲吼獸爲啼鳥須臾轡勒加縲索
韜鞞在手還連絡二十五象齊出門威如猛虎靜如鶴
旌旗簫鼓迎向東城東城河淡且洪似有飛濤來樹上
倏看倒影入波中一象負人初破水衆象相隨皆馴耳
四五爲羣浴不譁翩翩次第聽指使蜿蜒翻騰欲駕雲
游魚拍岸細生文舟迴瀚海車方軌龍挂天門馬軼羣
飛珠瀆沫疑春雨道旁顛倒喧墻堵以鼻代口爲鼓鐘

以蹄上耳爲歌舞象奴同象產自山出水入水性胡嫺
吳兒探浪桃花洞鷗鷺團沙桺絮灣一浴再浴浴罷起
象奴騎象歸城裏衆象巡逡不欲歸似戀清波情未已
吁嗟乎此象之來千里萬里遙或從百粵或三苗已拋
鐵甲依仙仗率舞虞階聽大韶只今滇南正在鋒鏑衝
昨日露布披皇宮旦夕不知更有幾象來來與此象爭
寒泉而吸長風吁嗟乎衆象紛紛何足計凌冬歷暑隨
年歲中有一象老而慧巨牙不落尾還銳爭言參牧自
明朝曾侍神宗顯皇帝

生還詩七章爲周櫟園先生作

君亦生還客還時在我先關山無跋涉雨露有偏全分

袂當三月回天恰一年先生辛丑正月奉赦余家九月蒙恩秦淮人共住

握手哭從前

痛定思前事閩江就質時乙未臨風酸別眼忍淚賦新

詩荼蓼懷君苦棠花禍我奇崎嶇重聚首都在白雲司

庚子冬初

縲紲還酬唱長鬚挾短箋韻偕因樹屋西曹有老槐櫟翁顏屋日因樹

淚盡落花天生死那堪問文章恨未傳傷心余北發口

囑細丹鉛以賴古堂稿屬余較定

秣馬不能別奚奴代送行爲言雖絕塞猶喜得餘生脫

贈圖書字交申兒女盟百年心匪石符讖愜真情

一載重關外開君三度書細傳嘉夢數故使旅懷舒同夢

愚父子咏 酌秦淮 倏異風雷感擬同沙漠居豈知龍海澤先潤

轍中魚朝獻時適感風異減從塞外未幾詔赦

雞竿懸曉日罪服拜新恩物望歸元老臣心格至尊廷

靈今足記閩雪久含冤閩中無雪丙中大雪十日試問驚濤裡樵川

何獨存以守漳州功復職

射烏樓上血漳州成閣滴滴洒毫端計定親撾鼓詩成獨據

鞍輿情徵解網石畫勒登壇記日篇章在重歌海氣寒

讀李忠毅公家書遺筆及嗣君膚公聽鸚圖詠兼

飲其齋中賦贈

聞道公辭世君年纔九齡奮身當患難冒死叩朝廷披

雪昭三字耕田守一經草堂圖画裡犁外有鸚聽膚公軒名

聽鵬因忠毅公遺言有寄語兒曹
焚筆研好將犁犢聽黃鵬之句

依韻答周櫟園侍郎送別見贈

汗漫踪難定雲門又送行短歌疑歷下大槪落任城未
識黃金氣能諳白眼情岐亭歌欲哭豈盡別離聲

三月依君住終宵只論詩新聲尋往事老律快師資敢
信夔門侶淡慚彭澤兒隔江傳紙筆此道定期誰

歲朝行送別徐健菴先生

人生苦行役况復當歲朝歲朝行役那得已車馬未駕
心旌搖昨夜西山一夜雪雲根石磴冰凜冽我住君行
踪跡竒客中送客難為別君別不是歸故鄉猶狀短缺
問殊方何不淹留仍此土剪韭共薦春盤香憶昔與君

長安聚刻燭催詩酒無數二難聲並六色衣世眼陳荀

看齒遇自是睽違經歲年龍堆雁磧思紛狀五更雪咽

梅花笛萬里春回楊柳鞭何幸生還未化鶴人民尚聚

舊城郭與君邂逅俱羈栖窮途翻遂平生樂吁嗟乎我

歸不歸心易傷君亦胡為勞客裝天下文人多坎壈君

家患難猶其常健菴公肅俱罹奏銷今
辯復奏可得還故物已看旭日飛晴

電白衣蒼狗雲無見花磚影護曉宮鶯彩筆香邀春社

燕卽今作客興偏豪太行汾水供揮毫良友同心歌杖

杜米紫
來主人開閣醉葡萄王襄璞
諸公已快追隨將一月並

轡連床語無歇幾回擊缶唱烏烏誰復向空書咄咄吁

嗟乎欲別不別又還留椒花為客解離憂明朝更把屠

蘇酒祖帳偷將車轄投

登太行山

欹路轉山腰裂背遲飛鳥隱見早行人點點翔雲表衆
口寂無聲日斷青未了何嘗戒勿喧自然言語少我僕
已跚跚我行難蹻蹻騎驢復下驢十步幾環遶日中仍
水邊何時到林杪嗟我終年行今茲昧昏曉低頭惟疾
趨不復更遠眺遠眺亂人心心動身飄渺老親在高堂
此身關非小

再送別米紫來入都

送君半月前君去君未去豈是戀戀愛殊方良亦悠悠
淹此處同心更得聚連朝別酒頻傾不用招楊柳吹殘

城上角葡萄倚盡洞中簫都說餞筵翻快事不苦別離
惟苦醉忽爾歸鞍真在門使我無聲徒落淚淚落不獨
爲別君君去我留情事紛彌衡大地空懷刺司馬何方
可賣文慙慙強笑勸君酒君却咨嗟握我手欲語不語
意更淡但云何不都門走都門故舊亦相思昨日書來
俱有期愧我餘生真落魄不堪韋布謁臯夔感君意氣
邀更切煩君轉向諸公說人在風塵骨易銷夢迴版築
腸時結君聞我語神亦傷面頰爲熱爲悲涼謂我不是
長貧賤合去窮途歸故鄉吁嗟乎知心纔是真交譜綈
袍解珮何足數自古艱難見友生如君與我堪千古我
不歸兮不欲歸歸去翻嗟萬事非井里不如羈旅好百

年那識寸心違寸心繾綣甘為客客裡送君真蕭索蕭
索歌君唱和詩詩易歌終手難釋

琅琊日出歌

甲辰秋余遊齊魯歸出諸城迂道百廿里登琅
琊山看東海日出洵大觀也返轡匆匆未酬以
句惟屬胡子元潤寫琅琊觀海圖僅得其概今
因汪子爾純出泰山圖相示乃更述舊遊形勝
再為画以識之爰補以歌時丙午三月一日

瑯琊山頭萬古日日日日自海中出海水擁日等平常
日色空山無得失多事秦帝一登臨高臺巍巍留事實
跨海闢島作齋堂立石鎮山標寢室其人已朽其迹存

山海年年捧日尊遂以日出為勝事山東父老爭傳言

我時歸鞭秋欲暮紅葉飄飄馬前樹楊柳折殘芍藥山

山在諸
城道中梧桐滴冷芙蓉渡渡近
琅琊同時乘興兩三人李吉
符屬

仲黨劉
子羽迂迴共問瑯琊路望山一日山更高日落山邊

飛海濤遙看玉兔騰波出為嗟日月同奔勞纖纖不過

滿眼白雪樹銀花盤玉石以為日出亦如斯那有奇觀

堪奪魄攀崖歷壑到山腰投宿琳宮不用招鋪草丹房

留客慣為言早睡起中宵一夢未成夜交子俄驚鉦鼓

來軍壘震地彌天遠近號只道松風生澗底豈知金雞

已一鳴鯨吼龍吟作和聲聲過依狀仙籟細猶翻孤月

浪中明須臾二唱聲更響水怪山精驅魍魎老陽欲動

百靈齊后土迎光成昧爽月淡星疎山路欹扶筇執火
步遲遲五更直到駐蹕嶺三聲已渡海天竒滅火寂然
臨海坐海黑天昏潮汐過星星一點海心紅徹底光生
水面破上映靈霄返入天團團不散如珠圓海天四面
仍昏黑只有中央明且鮮自是凡雞纔亂叫日過海心
無此照正嗟八極轉微茫忽指東方異光耀光爲朱赤
復爲黃黃復蒼蒼白始長萬彩繽紛不見日頃之一線
露扶桑扶桑在地日在水水光戀日日難起波撼上下
與天爭日吐日吞無定止上有彤雲如華檐挈日日如
山峰尖水氣不敵天工力火輪躍出真珠簾下有黑雲
如海鬼蓮花金盤堆百卉項盤送日日欲行讓却日頭

攀日尾日尾拖雲海面搖疑花疑貝疑鮫綃直至水平
光未定盈盈閃爍紅纔消却似銀青鎔欲瀉滿天溢出
堪成把又似秋水浸澄潭凝碧嵌空懸曠野此時離海
一丈餘猶不射目同蟾蜍剪金一片貼天上淡黃微紫
分中初再高二丈復三丈山下人家知日上日上麗天
光已全只可俯觀難更仰俯觀日又在海東東駕長橋
萬里通渾波不沒精金柱綿亘天涯卧水中風來吹碎
金橋影散入琉璃飛萬頃萬頃波含萬日光日光滾滾
秋風冷吁嗟乎在天一日日無分在海一日日紛紜天
海何心日何意客多所怪少所聞歸來策蹇馳輦道始
皇遺跡迷荒草只有亭亭無字碑鑿殘亦共秦灰槁

碑為人鑿壞石灰
山傳云築臺所餘

大觀詩思轉荒蕪惟屬胡生譜作圖

今朝汪子更潑墨彷彿泰山應不殊子為作画我作賦
賦成画出詩中句况值清明又客途臥遊聊共高歌趣
吁嗟乎柳溪今日人盡游獨我不出對春愁愁吟更憶
瑯琊勝海市春多見蜃樓

懷周櫟園因汪爾純以寄

雲門山前別淚傾已經二載傷離情客子岐路更多苦
使君官衙依舊清真意亭外花滿地真意亭中人晝睡
花連棠蒂作高陰人以文章成政事政著文傳人更閒
春浚詩酒只花間亭橫堂靜階如水画舫依稀繫晚山
別來地遠夢常近念君事事如高隱石琴手製更安絃

土壁自書無用粉我行天下山水多不成幽賞奈愁何
即今太行汾河道蒯緱只作無魚歌安得使君擁旌節
名山大川記車轍我亦相從作快遊掣電呵雲賡白雪
茲遊何日恐徒狀只此思君年復年幸有汪生能作画
新圖幾幅為我傳我觀圖画情難置為屬汪生遠相寄
更画齊州海上峰峰頭我與君同醉

晤潘蜀藻

相逢不記何時別指屈心傷患難前共看鬚眉驚老醜
為詢歲月檢詩篇吟成雪窖八千里夢隔雲山十七年

余與蜀藻
別在辛卯珍重此宵樽酒會人生容易說離筵

賣船行和施愚山

龍門風雅集卷之二十五
我昔賣屋曾作歌今君賣船亦有作賣屋完官歸罪軀
賣船營屋知官橐官路險阻等風波扁舟穩坐羨君多
待除偶爾來鄉里一椽不辦需舟何牽來岸上不可住
飄飄風雨芙蓉渡存之不若棄之安身無長物輕跬步
前歲^{甲辰}聞君過維揚爲尋我父停帆檣篷窻一席書十
卷十日論詩雲水鄉又聞吾弟客江右盧陂大雪迷昏
晝^{乙巳}曾向官衙醉酒卮還栖官舫看雲岫君有此船亦
有年年年船上得周旋周旋已久那堪賣賣入公家豈
爲錢吁嗟乎知君賣船別有以請看艨艟烟波裡軍書
急下催捉船船聲沸長江水

愚山賣船櫟園與作緣也因並及之

周君有船名就園七年患難今不存歸來悵望好山水
那得移居烟水村酒酣每每自籌畫誓買小船成泛宅
釣竿淡處長兒孫不教兒孫爲仕客我聞此語心實傷
本是飄蓬天一方幾欲携家結鄰好蘆花相望共徜徉
未久東山閒步履 帝曰用汝作舟楫轉輸萬艘領漕
糴日日催船筮利涉亦有官舫住河干高牙大纛飛羽
翰卽欲淡藏於壑裡濟川不得爲君寬施君有船亦如
此匡山山色鑑湖水載向宛涇難久停徐牽錦纜長干
里周君一見倍欷歔何不賣船還買居世情豈肯容休
息春明行脂長安車二君子船皆有意獨我此身勞位
置萍踪終乏買船錢高歌且紀賣船事

九日龔芝麓先生招共黑窰廠登高分賦次韻

首二

追陪勝侶此歡場繞郭西山入坐蒼陰雨態生林壑淨
芰荷衣傷袞龍香詩分酒政催遲速簫逐歌喉叶短長
醉把茱萸時起舞唱酬不厭野夫狂

酒酣回首少年場不分愁淡鬚髮蒼十載夢驚關塞險
九秋花憶故園香鶴歸月冷牛衣泣雁度雲迷雉堞長
獨有浩歌酬盛世餘生安敢說清狂

十三夜同芝麓先生慈仁寺松下看月

松冷偏宜月清光總為秋羈人愁永夜元老恣閒遊氣
合星辰動心依梵唄幽露臺暄酒力不復問更籌

十七夜芝麓先生又招同諸公松下看月疊重九

韻

最愛祇林雙樹場連宵好月落青蒼露垂鮫濺明珠淚
風動龍迴艾衲香筆墨幾添行笥富關河莫指故園長
晨鐘若為催詩急屬和聲隨籌唱狂

十九日芝麓先生來慈仁小寓海棠樹下為作詩

文竟日又疊前韻即席命和

臨池飛翰擅詞場勢足波瀾法老蒼秋暖樹回春日艷
松繁氣入筆花香得從鴻寶窺弘景誰獨龍門說子長
十吏書難供五指謫仙容易百篇狂

疊芝麓韻呈別山陽黃夫子

恩浚不獨此行來即此浚令愁思開周急手能援水火

同岑心直合莓苔夢依絳帳三生石淚盡青郊兩別杯
歸去自慚桃李色欲從雪後待春回

贈徐健菴

蘭譜交從奕葉真况私口血倍情親雞壇廿載君能主

雁序三人我獨貧

健菴米紫來與余盟于太原

白首金臺羞駿骨黑

頭玉署羨龍鱗花磚日煖移宮樹影動長輝棣萼春

晤姚彥昭屬題画像

別又幾時異顏仍舊日同悲歌罇酒下笑指画圖中不
分長爲客相看已是翁百年身世易堅坐愧飛蓬

雙闌同大兄坐月

大兄有事皖城先我登舟五日

早余五日舟先發遲我江頭語竟真得見肯令椿不繫

初晴况復月隨人歡腸都向愁容劇家事翻從客路新
話盡三更還共笑池塘可夢艸生春

泊宮錦洲望大兄舟不至

點點帆檣亂復齊大江東下夕陽西翻嫌昨夜相期切
能使今朝入望迷閱世幾回經意懶歸鴉無數向人啼
似言宮錦洲前月爲待維舟學士題

入樅陽

到岍風輕半日程樅川春水接江平舟人舊泊孤椿易
遊子新歸百感生世亂多逢岐路哭家貧益動故園情
白頭難向兒童識試作鄉音問老成

媚筆泉

巖有媚筆泉三字爲先外祖何文端公題

前明風雅集卷二十一
摩崖字歷幾春秋相國當年勝跡留手澤至今流不盡
水光還共墨光浮

飲潘木厓齋中

余與木厓于丁未夏別在任城

別憶南池舊樽歡東閣新話紛十四載頭白兩三人聚
轉離情瑣歸當客路真更殘雙秉燭影認再逢身
我自苦行役君能樂著書名山歸几席花筆老居諸賦
擬先傳世詩尤後起予騷壇原海嶽豈只重鄉閭
一邑尚風雅憑君百世傳苦心求後裔逸事表前賢德
業聲歌裡丹黃俎豆先吾家家乘瑣多半綴鴻編
先子詩專帙君情較倍淡翻成今古調定自短長吟冥
漠存知己元和舉正音千秋誰大業異跡此同心

孫莊展墓

墓爲三世祖元望亭巡檢士源公卒於亂藁葬
孫家園是爲孫莊附墓有姑未嫁而寡守志以
終曰貞姑莊于元至正年卽屬他姓凡三百載
明萬曆末先祖岡卿公倍價歸之及清順治間
又失別氏康熙十七年戊午五弟章鉞之長子
嵩年贖買之以世奉云

墓近城門拜轉遲新田舊壠泣遺碑死當四百年前亂
生動十三世後悲附有貞姑高塚並官如慈母望亭知
山園傳亦無心得頻失頻歸事總奇

光啓堂桂樹歌

光啓堂前雙桂樹三百年來淡雨露堂構何人樹種誰

自勉公諱懋從六世住堂高樹古傳至今居者應知作

者心顧問兒孫指坊額吾氏胡為稱桂林斷事公諱法

初死靖難忠臣之子家塗炭洪宣朝間始再興伐木為

居壯里開是有五子苦讀書中子諱佑貴乘驄馬車剛

直左遷桂林守人以桂林顏斯廬都諫王公相傳子孫

孫復子子孫世其德星里垂訓不得售他人族之貴者

當奮起遂歸吾祖同卿又吾兄學士公不共滄桑嗟變

更門內遺留一百載我今來見倍多情回憶當年植桂

意亦只庭除等閒事安知官與氏皆符手澤先機思不

置人生在德不在文一艸一木同慇懃即今輪囷高臺

峙雖未花時氣已芬縱然奕葉追先世克荷人當矢述

繼宗器無勞重更新天香百代環門第噫天香百代環

門第

大姪孫受斯以紙索題賦此贈之

宗派貴元子人情重長兒汝生十六世桂林第一枝分

幼年則壯才大志不卑昨歲對大廷龍雲起鳳池有叔

同給扎名齊都邑馳歸家益砥礪且莫為人師同堂諸

從叔先後齒參差交如大小阮論文錦織絲諸翁亦接

踵經傳字問奇回思汝祖在學步余實隨長余二十載

於書無不窺白頭侍我父二老喜論詩叔姪逮孫子耆

舊引孩提一堂四代集唱和等舍飴汝父修文早汝母

苦節遺遺汝得長養外家恩獨私迄今已四子玉砌環
金芝遶膝遠追憶終天恨莫支心期祖澤振惟恐父業
墮光大繼高曾雄飛寧守雌元子職如此長兒念在茲
上並諸叔步下留諸弟規秋風只隔歲天香明月吹出
紙索我賦情真無蕪詞最末語多快追遠心易悲淚與
筆同落詩將雲共垂請攬清溪水濯髮照鬚眉丈夫正
三十弩力功名期致身得非早到手何言遲藜耀劉生
閣花淡董子帷歌罷更拂拭餘箋含遠思一麋鹿鳴什
再題雁塔碑

次答李東臯

何陋居詩集知音未等閒花明遷客夢雪淨老人顏鏡

笛封珠履金針度玉關開函君入室流水和高山

四弟寄巖携兩姪自江寧歸獲已抵義津小莊未

卽入城相見先寄在江寧時讀余所寄隨成草

里門諸詩之作情見乎詞賦此荅寄

汝來親獲稻辛苦更携兒欲使艱難事教從少壯知我
生皆一誤祖訓力三時後起追前步攤書莫廢犁

賣稻行

山城萬事一惟稻稻黃家家舒懷抱委積河干覓小船
爭出樅陽灘賣早早灘容易晚灘難一灘兩灘人與鬪
揶揄蹂躪還顛倒高低貴賤等閒看貧者吞聲求脫載
富者上倉高價待更散囊金廣賤收市近冬春利三倍

前田屋邪翁集卷二十一
吁嗟乎富者益富貧益貧富猶分勞逸身仲兒賣稻
幾朝夕歸來面黑頭全白

以新刻家譜及詩冊寄內子屬呈 老母並分送
諸兄弟子姪

不獨平安書兼寄新著述祖德垂家乘客情飄呂律居
桐詩頗多授梓惟一帙欲共支系傳篇章詳事實裝潢
甲乙編文分意則一寄歸懷緒紛貴見閒窻筆知我半
年來筆墨無虛日轉爲告高堂先世懿行悉浩歌隨白
雲夢魂時遶膝更語諸弟兄傳示及子姪水木本源長
羈旅謳歌逸遠追百世繁近攬眼前畢客子無限情開
函見六七老妻好讀書縹緗時列室况此譜牒親憑臨

徵得失尤喜讀我詩尋常無草率每當一篇成背誦手
書必茲冊定開顏賡歌聲唧唧應識客居安韻可諧琴
瑟

泊遠嫁塔

不欲舟行速中途田挽人新椿繫未穩舊蹟考能真遠
嫁貞傳女浮圖思報親可憐兵火後龍象亦灰塵

樅陽與兒會兒驟孫世翰別

送我出江江已近命而歸去去無留樅陽兩日尤難別
楊子三秋正穩流拜起何言爭捧袂笑歌有意重回頭
相期冬盡舟還泊萊袖香分柏葉浮

黃石磯

黃石磯頭石誰為圮上仙亂兵從此返謠讖至今傳宸
兵返天地亦何意興亾固偶然轉憐江水古閱盡往來于此
船

望九江

十里九江路孤舟兩日行軍聲疑草木山色報陰晴椿
老天何意鷗閒客共情不須怨久速安穩信平生

富池口神鴉

神鴉飛上下十里接行舟只傍甘寧廟如防蜀漢流令
嚴雲鳥陣悲結塞鴻秋客意原蕭瑟非關往事愁

上馬磯泊田鎮

山高江半黑磯老水全波月亦不人照風將奈客何前

船依樹亂驚鳥喚羣訛古鎮應還識廿年今再過

到蘄州

到岍語還驚主人明日行楊秋屏老兄猶假館過客且往武昌

停旌不作猪肝累聊舒鴈陣情維舟旋策杖襍被半肩

輕

晤大兄

且從此地說平安兄弟歡娛老益難驛路經秋江自急
客庭成閨月新團詩文兩卷皆行跡大兄行笥文稿燈余隨成草詩

火三更各縱觀清話莫沽村酒再雲居茶煮雨湖湍

喜晤顧黃公二首

懷君不獨別離淡四海文章廿載心流水黃州長入夢

余與黃公初欺人白髮各相侵老嗟朋友稀尤貴亂喜
訂交於黃州平安遠得等握手歡多休解袂月華照酒湛高林家兄留飲

寓齋

勝遊那復似當時袞袞新交只自悲驚見兩人如再世
特留三日慰相思楚天路靖烽烟後吳水歸將冰雪期
定向蘄春還輟棹五更重較半年詩

巴河太乙閣

巴河臨江太乙閣先朝相國姚公作人亾世變閣崢嶸
來往遊觀殊錯愕吁嗟乎梁棟無聞廊廟功鄉里惟傳
土木工貝葉文借藜光照桑梓灰飛兵火空匠石當年
心亦苦式倣黃鶴樓樣古樓焚又向閣臨摹飛翬縱橫
樓是譜樓閣江分影合連廢興今古亦誰憐武昌客過
憑檻望應共今朝意惘然

風

風入夜多驚江來一港聲漫疑迴雪急還憶聽松清野
戍不傳漏孤鴻屢報更夜長醒客夢枕上太分明

舟曉

起檣又動五更心一月人行風露侵流異江河同逝水
路經朝夕總雲林年衰不用愁思切客久能令道氣淡
出塞入關三十載馳驅漂泊到于今

早行

晚泊青陰與岸連早行隄柳復依然人家五里還三里

龍門風雅集卷二十一
流水荆川又漢川小市經秋農問集遠村迎日網歸船
食魚楚俗原同米魚麗由來大有年

舟寒

晴日兼風舟乍寒擁衾那畏客衣單敢將衰眼無時放
可柰秋光不肯殘出霧荒隄沙帶白迎霜老樹葉先丹
酒旗飄縵東籬畔似有花含冷露團

風信

舟子急呼風信到果然天與報重陽丹楓黃菊幾時醉
微雨輕烟入暮蒼鴉背影將催雁陣蟹螯情欲問魚梁
客中節序渾難記獨似今朝未易忘

抵荊州喜晤大姪子山

故鄉消息總非真不盡居人念旅人昨日向余猶寄語
幾時問爾得閒身千秋難負無雙士八口全依一个臣
且卜荆南僑寓宅庾臺宋井有比隣

荆南詠懷古跡

鄧偶樵方伯秦留仙太史葉舍
公觀察舍姪子山參軍先有作

客到荆南正暮秋才非宋玉亦多愁悲歌漫向新聲和
恨事原從古蹟留功業河山看逝水文章風雨說登樓
空餘名勝勞淡憶按籍扶筇欲盡撥

王粲依劉正幾時樓嗟吾土賦鄉思人留公子坊前句
情共明妃村裏悲畫扇峰遙連白鷺素香亭冷繫青驪
誰能橘種李衡宅江上秋風日夜吹

送從孫公何赴彝陵鎮軍

二首

龍眼風雅集卷二十五
世亂文章賤才高際會竒功名依將帥指顧見男兒蜀
道多殘壘歿陵錫大師秋山馳獵馬黃葉閃朱旗
橫槩詩原壯登樓望益高人傳王粲筆家佩呂虔刀露
布飛華翰雲麾落錦袍果然身手捷年少羨兒曹

舟泊

舟子故說江程嚴亭午帆落風日兼野隄客到人語雜
遠市網集魚價添塘兵亂定增斥堠居民水退歸閭閻
藉草負暄仰天問霜夜不寒翻晝炎

見山

一月舟行不見山忽驚翠嶺水雲間楚天江且讓湖浸
客路峰誰許岬環倒影飛來疑蕩漾盤陀引去憶躋攀

眼青三里遠還近百丈牽猶折幾灣

老母壽日

晴階盈朝瞰遊子正衣拜老母八十二壽酒庭闈介一
載悵睽違千里苦行邁平日日瞻雲况復茲晨屆慈親
老益慈臨別牽衣話作客莫思家家貧愁自解健飯不
倚閭兒遊有方界昨日得平安細書親點畫一見動感
傷再讀生愉快神閒實壽徵安康復瀟灑江溪煖浪平
矇矓連沉瀝仰聽笙鶴聲清宵雲幾派

開郢誌讀八世族祖與義公傳

公諱向字與義戶科給事中謫安陸

州守崇祀
各宦祠

郢郡舊隸州族祖前朝牧名宦祠且傳善政鏤簡竹育

也閒客窻借書醒倦目倏爾仰遺行私心溯水木家乘
 載未詳國史略不錄賴此方輿誌里巷留歌哭至今二
 百年姓名香版牘散衙戶不扁從此惟一僕猶然骨鯁
 風條議每封匱奏績秩當改獻皇疏請復借寇事弗許
 遮道臥車輻一讀一泣拜吾家慚世祿楚江接龍眠歷
 仕凡五六太僕起湖南李樹棠華郁先祖同卿公起建
家常德司理
 牙開府尊仁植公
撫楚製錦花封族執吾公
令臨湘宮梅百韻聯睿
 藻香風逐世宗潛邸與草亭公宴上賦梅花聯句百韻
今家刻遺集稱梅花半稿以五十韻屬御製
 也往蹟多所遺近事見聞熟祥刑憶仲兄二兄邵村於
乙未年郵刑
 舉手還加祝嗚呼三楚仁奚第云安陸海內知桂林桂

林乃吾族

楊總戎園亭

楊氏園同第五橋閒筇不用報書招將軍休沐亦何日
 客子嘯歌來此宵新月未弦城欲閉晚花初放樹將凋
 山川是處堪容隱何故浮萍逐水飄

舟靜

夜半舟全靜江流聲亦無已知山月落只有客星孤不
 寐愁何遣將詩夢與俱吟成休朗誦鄰舫恐驚呼

漢江行

漢江天塹稱險絕上水牽灘下水折中流不肯傍舸行
 波欲留雲沙擁雪客子十日兩度過時詢舊泊認江坡

舟人怪我地理熟當是此方生長族豈無生長不出門
出門不識門前村

吳晞齋招全李劬庵飲城西書屋

鷄黍不折簡邀我坐草堂同心兩三人樸遯露肝腸世
運有治亂人生有彭殤但得目前聚毋勞往事傷別君
君正壯我鬚黑且長今日面難識咨嗟各老蒼惟言別
後喜連舉兩兒郎兒皆二十餘生孫復成行下食還侍
坐斑斕振琳琅卽此娛遲暮耕讀守家鄉慚我日飄泊
歲歷天一方持杯顧李侯心迹偕荒涼且盡酒百斛更
歌詩一章結交自終始寧悲參與商起行視階除新晴
明月光

同劬庵訪徐繩庸留飲拙公亦至

過岡園在眼下馬上方亭入臚湖全碧環隄柳半青坐

淡來酒具語絮到茶經

陸鴻漸茶經繩庸家鐫以傳

不速僧能至朋

簪此聚星

浮園玉筍歌爲吳晞齋賦

浮園片石勢嶙峋來自吳興雪水濱廣披二尺高七尺
鑿鐵精光如有神週遭鐫列大小字上歷宋元下明季
題名人去歲時留觀摩俯仰千年異觀察初官太守閒

吳公諱文企戊戌進士湖州守後備兵

公餘幽討遍湖山溪憐此石迷烟

草持向歸舟竟載還南宮拜亦等閒美鬱林船更今時
見我來纔得渡湖看看共李君携筆硯爲寫石形書石

書玉筍二字入分如其餘篆籀雜行草好奇競爽人人
殊石不可卷心益遠我心匪石交源本奕葉通家三世
人百年雲路相推挽觀察昔出我祖門辛卯楚闈我父禮闈
未又薦君未得冠軍僅副車家庭每聞嘆惜言君今高
篤雲天義三十年餘重把臂卽斯十日醉無歸更向石
亭期大被朋友情原兄弟同滄桑有變意靡窮共君撫
石還垂淚石有堅貞人始終

道傍紅葉

相老霜繁紅亦稀乘風故向道傍飛逐塵聲送馬蹄去
銜照影催牛背歸流水何心鳴野澗寒鐘有意出禪扉
悠然淡省飄零客望眼休從落葉違

廣長院後樓

殿閣倚城墻城殘閣亦荒眼中無遠近方外有興亡隣
寺簷相接城內報恩後殿與閣相對僅隔女墻當門湖正長老僧淡閉戶

一樹蠟梅香

五岳園

明大廷尉陳公園亭也石巖五岳遂以各園且自號焉今南岳獨存

五岳名留百畝園荒隄古木護雲根都歸滄海形難問
惟有祝融峰尚存湖泊可回今日鴈村帘誰似昔時罇
斜陽引步過殘寺鐘磬何心向客喧

黃鶴樓

移擢詢黃鶴披襟登古城樓高江上水人澹望中情緲
緲天低落悠悠野曠平不須吹玉笛到此已身輕

對月歌

月明如水水盡白水底星光連月碧星月何意水何心
悠然愁集江舟客客長貧賤自多愁愁中等級分倫儔
那知富貴愁偏甚功名謀保身家憂我遊楚地一百日
日見人情患得失下自守令上督師相對何人不皺眉
安往不得貧賤爲

擄船行

官家用船原給直號曰擄船船盡匿小港低檣夾岬維
避擄悲聲動顏色忽見巨艇影相連呼風乘浪意歡然
自言商賈納關鈔不似民間小載船民間小船非得已
都業田莊田浸水棄本逐末競錙銖誰是謀生惟救死

前日漢口送葬陵風雪寒灘滿目水軍需一月始交卸
得放歸家十日會家中兒女七八口饑餓啼號望升斗
此出將爲卒歲謀封捉在前歸恐後我聞此語鼻亦酸
安得繪圖人主看四海昇平兵不用扁舟樂駕江湖寬

老妻生日

十一月十八日

貧家內助苦無米一生炊患難有今日歡娛未昔時持
籌親井臼佐讀理機絲母矣還曾祖勤猶新婦爲
賴卿家少慮能使客途寬莫怨終年出如忘獨力難不
歸囊本澀縱返室寧歡理楫躊躇久居行總一看

泊潯餘荷

隸江南安慶府宿松縣屬鎮

九派江分合孤帆落晚村莫徒嗟客路驚說是鄉園傍

音目風邪集卷二十一
嶺歌吾土循流識水源
縱川三百里雲樹望柴門

長江風雪歌

雪凍雨飛風不息
雨雪助風天更黑
長江未敢與天爭
舟子倚篙行不得
一夜吹殘萬籟聲
聲無遠近無晦明
客自憂危何所恃
觀空身外信平生
平生閱歷多奇險
海上螺浮青點點
黃河決口截橫流
星辰佢傷波濤閃
波濤水面尚尋常
陸地人情更可傷
笑言頃刻皆風浪
飄墮沉淪幾喪亾
患難二十已餘載
厚薄親疎交屢改
誰見翻雲覆雨人
猶隨風雪長江在
長江風雪自年年
天意于人亦偶然
時當陰沍陽應復
客滯曾無十日船
我今三日看江水
愁懼都忘心轉喜
可似當年苦播遷
生死由人不由已

船開

船竟有開日聲喧
雪浪間六花明五兩
九派赴孤山眼已先
帆去風將容客還
可能催鶴尾真共白
鷗閒風急不得至
縱陽

嶼近風偏遠山高望
更明千家雲底暗
一艇浪中爭盡日
依洲渚逢人問水程
順流牽百丈顛倒見
歸情

泊采石

天門山壓采江流
嶼折姑溪雙塔浮
日落易留歸客櫂
詩成難上謫仙樓
夜當月晦鯨波靜
燈貫珠光犀照悠
時傷官舫泊燃犀
亭下見危檣懸炬列
如火齊日日望家家
已近近疑情緒轉

多愁

椎絲行

隣家機婦工織縷晝夜椎絲用力苦四更起不待鷄鳴
罷時坐聽官街鼓兒孫書聲亦隔墻老夫吟咏在中堂
慚愧椎絲聲斷續饑飽不問無炎涼吁嗟乎雲山經抱
明珠顙蓬瀛藥伏丹爐火仙佛功成視力淡誰爲力盡
功仍左試問椎絲辛苦人絲成錦織可纏身朱樓女袖
織織手羅綺香飄歌舞春夜聞椎絲聲尚噴

買菜行

秋雨不足菜莖瘦冬霜早嚴皮復皺鍾山晚崧名則佳
老圃擔負爭先後街巷喧闐列市雄值估低昂競日中
待價持歸不賤售一日二日委墻東葉焦根爛顏色異
減錢與人人不視白頭書生買作齏酸黃不待加鹽豉
隣家男婦笑余癡取衆所棄夫何爲豈知天地無棄物
善川皆化爲神奇休道龍鍾已過時

大兄先雪樓看雪

未雪樓原先雪看况當雪重擁樓寬四窻盡拓眼何曠
一几高憑身豈寒有弟頻來同嘯傲多愁莫遣且盤桓
自欣老脚連朝健百尺丹梯登不難

書許燕孫還金卷

名翼祖遇金于市持以候薄暮一人泣而來詢
實還之金爲賣兒值也不語以姓名而別與友

者爭爲篇章稱述焉

金在情猶異金遺寧等閒况將親子鬻乃得路人還問
且藏名姓言仍澀面顏似嫌多事者傳頌滿江關

鳩茲見馬溪五兄信宿園居二首

白頭人並老所喜翁隨兄燭盡七年說園開三徑情秋
花冬更艷春草夜同生短榻橫長枕隣雞莫遽鳴
兒孫催我睡恐坐老兄淡執杖還携手離群豈隔心友
于衰更篤蹤跡遠堪尋棲喜一枝穩中途月滿林

見乚筆所書伯父副憲公墓碑

鶴表多年粵嶺歸牛眠親卜望柴扉仙人筆挾龍蛇動
孝子心傷烏兔飛俎豆千秋香自遠松楸百里拜偏違

寒燈淚照豐碑落楓樹黃華等翠微

伯父墓繁昌楓樹壟先君墓桐城黃

鄉

宿黃華墓旁

誅茅未結傍山廬宿借隣家枕不舒乍醒乍眠驚木葉
如趨如侍在庭除隔年事落今宵夢幾代情牽此地居
頻聽雞聲天漸曉披衣草撥露珠初

別墓

未能久作墓前留三宿情仍一歲愁再到期當春草長
遠離踪逐雪花浮九京靈亦憐行役千古誰得自由
去住愴心徒泣血兒扶拜起步夷猶

小孤山

前明風雅集卷二十五
小孤竒不在當江江擁蓮花結寶幢吳楚平分爭第一
金焦對峙競無雙記曾攬勝舟爲泊未及憑顛心已降
風便卽今仍指點千層石磴壓篷窗

浪泊

鳴浪通宵夢不驚風波歷久道心平路曾絕塞去仍返
人亦全家死復生多病每疑情有累頻遊真覺水無爭
篙師何必依椿守雲黑終看天地清

過倒澌汛

江路爭言此地危汛流激石倒澌垂舟人屢日驚相問
道士終年伏可疑那竟乘槎風得御遂同入漢事何竒
步虛聲朗隨帆遠欸乃無勞歎力疲

烏林

江干塘汛也傳爲吳將
甘寧百騎破曹兵處

野戍烟殘人幾家老兵漁網晒晴沙蛟龍何代飛江沫
烏鵲經年撲浪花神鴉此地尚多自昔山川無信史只今道路
有悲笳孫曹一戰三分定百騎功高空歎嗟

依韻和答唐閩思共飲

再生情總澹難割只諸昆每憶同罹友猶招絕塞魂月
梁時仰屋星駕爲開門白髮顛狂醉相扶子若孫
傳說大兄有詩見憶未見擲下賦此促之

聞有新詩爲我裁寄遲轉使漫疑猜可因雨暗書難就
或是泥濘路未開夢落池邊春半草望同隴上雪中梅
調高舊許墳篋和何事今朝棄不才

得兒念祖都門書

帝里書生豈易遊平安轉怪不言愁或因慰我閭長倚
故說逢人轄便投彩筆能干原汗漫朱門得掃卽綢繆
艱難久已知羈旅壯志休多憶白頭

恭紀詩用大兄韻

四首

巡方五載典重修省歛仁弘匪大蒐景物及春皆自絢
聲華過眼不淡留西湖勝向姑蘇接南鎮觀從建業收
仰止孝陵連禹穴禮崇躬祀議還周

天言屢渙意何虔三載通蠲百萬錢求瘼恩多綸綍遠
掄才額廣網羅全官方黜陟情雍若民道喧呼禮肅然
芹獻瓦盤稱野膳一時盛事古今傳

一覽秦淮卽捨舟笙歌不戀六龍游南郊古寺拈花笑
北極高臺觀象求迎輦綵毬填紫陌傾都黃幄看朱樓
大醕有賜還朋射擁仗兵民仰豫遊

護龍風雨兆豐年五色雲車駕百川粉米特親蓑笠問
租庸永緩市廛編春潮雪浪金山渡夜蹕星燈玉帳懸
丹壁行宮留翰藻賡颺人競說詩篇

望黃華

小泊烏沙口黃華望對江似懸青玉案還列白雲幢水
石歸湖曲松楸出岫雙來朝登墓路細細指篷窻

過張始興故里

江邊怪石沿山起踞阜盤岡三五里或爲鐘鼓或鑪餅

或爲炬燭或

簾簾復人行陳設趨蹌雜且清

老水劫火增顏色陵谷
采少變更舟人謂客莫驚異
地爲人靈天注意此是唐朝張九齡生長于斯登相位
噫張公相業亦平常流芳傳譽只文章得地邀天遂如
此後世經過識故鄉可見才華亦難事適興分題休易
視筆墨之間有鬼神聲光以外無天地吾鄉相國何文
端世居青山水石安亦有石鼓祖塋下團團十丈表殊
觀外接縱陽江水滙磨旗山高旗鼓對中有黃華土一
抔千秋百代藏其內

金針撥眼歌爲賈從六先生賦

醫師百種療人疾未有金針撥眼奇秣陵賈生擅神手

敢爲具述名當時方子右眼三年眇

癸亥六月十八日左眼漸

傳光亦小藥餌無功事坐工戒憂戒怒戒勞擾乙丑之

秋送兩親故山歸塋問江津儀煩哀切形神瘁驚颺雪

浪縈心身中途視物如隔霧

乙丑九月初一日

到山不見山頭

樹盲趨十日塋禮成泣血搶呼悲道路諸兒扶掖淚偷

垂遠近百里爲訪醫嬌孫冒雨五更去斃足泥途驢不

騎醫來進藥藥亦善厥疾不瘳空瞑眩眼從內障藥難

攻必得金針始能見弟姪戚友勸余歸會城輻輳醫不

稀兒輩合金計醫費買舟拜送還典衣抵家內外聚群

議安得名醫頃刻至兗州趙

公與揚州張開隔地往求

來不易有客黃生

文道賈生針多奇驗居接衡咫尺歡

欣借叩懇翩然惠顧意真誠問定坐我日詹下借日審
晴光真假許我右眼即日開乙丑十月十九日左眼開期來歲

夏右眼須用左手針手逆用順絕古今術精心細指圓
活從容運針道氣滾進針入眼不知痛障翳避針微覺
動須臾翳墜針尚存金光一片天空洞初見舍宇及家
人隨見器具几案陳徧試棗栗到菽麥形質悉辨顏色
真出針閉眼封以紙煖房軟榻高枕倚兒孫環拜謝賈
生賈生亦拜前致喜云是君家福德緣一撥還晴晴光
全世有復針針再復養之不善終徒然袖出養針篇一
帙為期七日至百日養針功倍挑針功巨細調攝條例
悉不言不動不平眠賈生夜對床與連持夾兩兒分左

右蔬粥老妻手調鮮七日開封下床坐駭目看人人看

我燦爛銀青世界新新光伏水兼流火坐忘身世等逃

禪半偈潛持萬累捐天命獨全生死外太和永保性情

先何意一時遭兩慟妻弟吳汝新亾兄子共四姪悲淚

莫制淚橫流黑子旋飛烟影重賈生動色戒心傷復理

刀圭急寶光詮註篇中幾例語銘諸座右凜羹牆再加

十日謹珍護四十九朝仍禁步百日雖成少見人見人

休揖休迴顧敬受遵行敢自輕勿忘此日只忘情生生

理向無生證傳說人皆喜且驚比鄰馬翁星八十二幾

年不復見天地過我細詢邀賈生亦為撥治同無異更

有紀君廷及李君坤次第相延但拂雲賈生盡與天下

青田先生集卷二十一
五
眼與我雙眼何足云書寄桐城兩兒子看我手書能若
此懽同諸婦與諸孫遙望江雲悵江水來春早發上江
舡墓門一望萬山纏松楸手種泉臺悅塊土新添鄉里
憐弟姪懽應呼戚友預謀共醉床頭酒屈指見面期尚
遲定把我書不釋手書不盡言還賦詩詩成歌奉賈生
卮賈生神手人矜道金針撥眼奇不奇噫金針撥眼奇
不奇

